

虫

薈

蟲薈卷四目錄

龍

螭龍

毛龍

龜龍

鹽龍

泉龍

海鼈

蛟

虎蛟

白特

蜃

鼉

鯪鯢

天蛇

王蛇

神蛇

人蛇

騰蛇

蟒蛇

蚺蛇

蝮蛇

海蛇

泥蛇

水蛇

火蛇

金蛇

銀蛇

環蛇

絲蛇

鈎蛇

施蛇

橋蛇

琴蛇

方蛇

圓蛇

扁蛇

脆蛇

飛蛇

鳴蛇

歌蛇

啼蛇

藍蛇

綠蛇

化蛇

冷蛇

介蛇

比蛇

一角蛇

五頭蛇

五色蛇

百樂蛇

雙身蛇

爆身蛇

鼓子蛇

喚人蛇

人面蛇

雞冠蛇

燭尾蛇

響尾蛇

富貴蛇

慈曼蛇

吐光蛇

報冤蛇

冬瓜蛇

黃連蛇

黃領蛇

黃領蛇

黃花蛇

菜花蛇

白花蛇

黑花蛇

黑稍蛇

風稍蛇

桑根蛇

竹根蛇

枳首蛇

青簫蛇

壁鏡蛇

眼鏡蛇

烏虎蛇

豹皮蛇

活禱蛇

犁頭蛇

蛇婆

聒聽

苟印

倏蟪

草上飛

夜裏叫

龍盤魚

鯉魚

鰱魚

橫公魚

文鯢魚

鯽魚

鱖魚

鱖魚

白妾魚

青郎魚

金魚

丹魚

鶴魚

鯖魚

鰱魚

鱖魚

鈎魚

竹魚

鮐魚

墨頭魚

鱖魚

鱖魚

鱖魚

馬鮫魚

白魚

石首魚

魴魚

火燒鰻

短魚

鯧魚

鮓魚

鰱魚

嘉魚

鯪魚

魴魚

鰽魚

鱸魚

鰻魚

鮓魚

鰻魚

鰽魚

鰽魚

黃鰻魚

公魚

通印子魚

棘鬣魚

方頭魚

負朱魚

鱖魚

鰻魚

香魚

鯊魚

杜父魚

石斑魚

石鰻魚

抱石魚

沙綠魚

仙胎魚

比目魚

竹夾魚

無腸魚

鬼頭魚

虎頭魚

鹿頭魚

馬頭魚

羊頭魚

秦皇魚

鱷魚

鬼魚

瓦刺而多

鯨魚

仁魚

海魔

海燕

斯得白

把勒亞

落斯馬

薄里波

天牛魚

鱣

鱈魚

薄魚

鮪

豪魚

麻魚

沙魚

槌額

海蠻師

鰱魚

魴魚

海鰩魚

海人魚

海女

望潮魚

人面魚

牛魚

狗魚

海豚

江豚

河豚

鰮魚

毬魚

綬魚

鮎魚

鼠鮎

鮓魚

鯢魚

鮡魚

黃頰魚

帶魚

鳶魚

戴星魚

戴帽魚

浮胡魚

烏鯽

柔魚

章舉

鎖管

海朮

水母

風魚

魷魚

鱧魚

鱣魚

滑魚

鱖

海鱖

闌胡

龍頭魚

鰻

石鰻

蘆鰻

土蟻

鮓魚

鰕魚

鰕魚

來魚

跳魚

鬬魚

油魚

鮐魚

石魚

銀魚

鱠殘魚

鱖魚

麥魚

鵝毛魚

蟲薈卷四

睦州方旭

鱗蟲

龍

續廣雅 雲螭雨師智蟲宛虹龍也

西番譯語 龍西番呼恩卜路耳

本草綱目 龍梵書名那伽能變水又能變火交則  
變二小蛇其性粗猛而愛美玉空青喜食燕肉畏鐵  
及萆草蜈蚣楝葉五色絲故食燕者忌渡水祈雨者  
用燕鎮水患者用鐵激龍者用萆草祭屈原者用楝  
葉色絲裏餽投江



譯史紀餘 龍高昌呼盧緬甸呼那戛其形有九似  
駝頭鹿角兔眼牛耳蛇項蜃腹鯉鱗鷹爪虎掌背有  
八十一鱗

灤陽續錄 恒閣學嘗見一龍頭角與畫圖相似惟  
四足開張搖撼如一舟之鼓四棹尾扁而濶至末漸  
纖在似蛇似魚之間腹下正白如匹練

乘異記 龍狀雌雄不同雄者角浪凹峭目深鼻豁  
鬚尖鱗密上汰下殺雌者角靡浪平目肆鼻直鬚圓  
鱗薄尾汰於腹

遺珠貫索 龍以角爲耳以秋爲夜

王漁洋精華錄註 龍髯色如爛椹長可三尺置室中蚊蚋不敢入拂之爲聲雞犬牛馬皆驚逸焉

酉陽雜俎 龍頭上有物如博山形者名尺木能升天無尺木者不能升天

龍城錄 開元中景州人見一龍三頭

說文 龍能幽能明能巨能細能短能長春分而登天秋分而潛淵

千金方 龍骨遠志等分爲末食後酒服益人智慧述異記 食龍肉多壽

博物志 龍肉以醯漬之則文章生

綱鑑通俗 龍不見石

談薈 龍食砒霜而肥

大戴禮 鱗蟲之精者曰龍

變化論 龍數易骨

皎然集 龍鳴聲如戛銅器

支雅 山中辰日稱雨師者龍也

太平廣記 龍卵有青赤斑大如雞子

格致鏡原 龍子曰蚪。旭按蚪或作虬

正字通 龍生九子各有所好一鼉屬似龜好負重  
今石碑下跌是也二螭吻似獸好望今屋上獸頭是

也三蒲牢似龍而小好吼今鐘上紐是也四狔狔似  
虎有威力好守故立於獄門五饕餮好食故立於鼎  
蓋六虬螭好水故立於橋柱七睚眦好殺故立於刀  
環八金狔似獅子好烟火故立於香爐九椒圖似螺  
蚌好閉故立於門鋪首

懷麓堂集 龍生九子各有所好囚牛好音今胡琴  
頭上獸是其遺像睚眦好殺今刀柄上龍是其遺像  
嘲風好險今殿角獸是其遺像蒲牢好鳴今鐘上獸  
是其遺像狻猊好坐今佛前獅子是其遺像霸下好  
負重今碑坐獸是其遺像狔狔好訟今獄門獅子是

其遺像肩最好文今碑上獸是其遺像蚩吻好吞今  
殿脊獸是其遺像

寶存 龍生九子一最屬好文今石碑兩旁者是也  
一蚩吻好吞今殿角獸頭是也一睚眦好殺今刀柄  
上龍是也一霸下好負重今石碑坐獸是也一狴犴  
好訟今獄門上獅子是也一囚牛好音樂今胡琴上  
獸頭是也一白澤好坐今佛坐下獅子是也一蒲牢  
好鳴今鐘上獸紐是也一椒圖好閉故立於門上  
菽園雜記 最屬似龜好負重故用載碑螭吻似獸  
好望故立於屋角上蒲牢似龍而小好吼有神力故

立於鐘上憲章似獸有威好囚故立於獄門上饕餮  
好水故立於橋上蟋蟀似獸鬼頭好腥故立於刀柄  
上蠨蛸似龍好風雨故立於殿脊上螭虎似龍好文  
故立於碑上金狴似獅好火烟故立於爐上椒圖似  
螺螭好閉口故立於門上今呼鼓了非也蚘蟥似龍  
而小好立險故立於護朽上鼈魚似龍好吞火故立  
於屋脊上獸吻似獅好食陰邪故立於門鐔上金吾  
似美人首魚尾有兩翼性通靈不睡故用巡警

### 螭龍

廣雅 無角曰螭龍。旭按螭龍似龍無角色黃比

方謂之地螻見說文

毛龍

拾遺記 南潯國有毛龍時脫骨於曠野之中

龜龍

八紘譯史 滿刺伽產龜龍四足長牙嚙人其壳盈丈有珠戰時用以爲盾其類又有三足者六足者

鹽龍

春渚紀聞 宋徽宗時將軍蕭注破南蠻得鹽龍長尺餘飼以海鹽鱗中有鹽出收取之以溫酒服一錢能興陽事

泉龍

春在堂隨筆 理安法雨泉有泉龍形如蜥蜴五足  
寺僧言是有神異取置他處能復還余乞其一歸畜  
之水中是夜竟失所在

海薑

本草綱目 海中有物如龍赤色名曰海薑有大毒  
甚於鴆羽

蛟

北夢瑣言 蛟蜀人呼馬絆蛇其頭似貓有一點白  
○旭按卽蛟龍也梵書名宮毗羅或說蛇交雉其遺



卵入地三四丈歲久則成蛟凡有蛟處其上草木不生雖窮冬雪不積焉又海內西經載開明南有六首蛟似蛟六首

廣州記 蛟長丈餘似蛇四足形廣如楯小頭細頸頸有白纒胃前赭色背上青斑脇邊若錦尾有肉環大者數圍其卵亦大能率魚飛得鼈可免

拾遺記 漢昭帝得白蛟若大蛇無鱗甲頭有軟角牙出唇外命作鮓食甚美其骨青而肉紫埤雅 蛟眉交故曰蛟又能交首尾束物

述異記 蛟千年能化龍及美女

金匱要畧 春夏時蛟龍精入芹菜中人食之病蛟  
龍癥痛不可忍治以粳糖日服二三升當有物吐出  
如蜥蜴狀

### 虎蛟

南山經 浪水有虎蛟其狀似魚而蛇尾有翼其音  
如鴛鴦食之已痔

### 白特

談薈 有人於洛水見豎子洗馬頃之一物如白練  
繳豎子之項二三匝豎子卽落水死人以爲龍所引  
非也此物名白特乃蛟類

蜃

格致鏡原 蜃蛟屬狀似蛇而大有角如龍紅鬚腰  
以下鱗逆生食燕子能吁氣成樓臺城郭之狀將雨  
卽見名蜃樓亦曰海市其脂和蠟作燭香凡百步烟  
中亦有樓閣之形

埤雅 蛇交雉生蜃

鼉

博物志 鼉一名土龍長一丈聲如鼓○旭按滇行  
紀程云彭澤縣江中有豬婆龍凡舟行過此遇油物  
煎熬必出惟夏月則不忌此卽鼉也其狀似守宮而

絕大體有鱗甲能橫飛不能上騰

本草拾遺 鼃嗜睡日常閉力至猛善攻江岸人於  
穴中掘之百人掘則百人牽之一人掘亦一人牽之  
不然終不出

埤雅 鼃初更一鳴二更再鳴謂之鼃鼓其身具十  
二肖肉蛇肉在尾最毒

荻林伐山 鼃欲雨則鳴

正字通 鼃能吐霧致雨

潛確類書 鼃向日浮水日沉則沒

夏小正 二月剝鯉 註鯉鼃也二字古通用。旭

按剝其皮以冒鼓也

鮫鯉

本草綱目 鮫鯉一名龍鯉一名石鮫魚俗名穿山甲其狀如鼉而小背如鯉而濶首如鼠而無牙腹無鱗而有毛長舌尖喙尾與身等鱗厚有三角腹內臟腑俱全而胃尤大常吐舌蟻至則食之陶宏景曰鮫鯉日中出岸張開鱗甲如死狀誘蟻入甲卽閉而入水開甲蟻皆浮出因食之

天蛇

夢溪筆談 天蛇生幽隱之地雨後則出越人甚畏

之其大如指而脰長三四尺色黃赤澆之以醋則消  
或以石灰糝之亦死

### 王蛇

蛇譜 王蛇出滇南近緬山中長數里色如黃金其  
所至處蛇必來朝遇有罪及傷人者則食之留尾以  
爲號令

### 神蛇

淮南子 神蛇能斷而復續○旭按正字通引淮南  
子云神蛇自斷其身而自相續與旭所讀本異又引  
註云神蛇長三尺色似金熟視之微黑不毒人觸其

怒則自斷怒定仍續如故今高誘淮南子註亦無此說

人蛇

蛇譜 人蛇長七尺色如墨頭蛇蛇尾蛇身尾長尺許而人足人手長三尺人立而行見人則笑笑已乃食之人聞其笑宜速避之

騰蛇

鬼谷子 騰蛇一名神蛇亦曰靈蛇

爾雅註 騰蛇龍類能興雲霧而游其中淮南云蟒蛇 正義蟒字乃奔字之訛

蟒蛇

公餘雜誌 蟒蛇產印度之南錫蘭島中長三四丈  
兩目如炬四足有鱗黃者曰王蟒黑者曰鱗蛇夏秋  
居水春冬居山能食麋鹿土人設計取之其膽治惡  
瘡及牙痛甚效雲南亦有之絕大者曰鹿蟒○旭按  
此卽爾雅之王蛇也又紀文達公筆記載小奴玉保  
初隸特納格爾軍屯嘗入谷追亡羊見大蛇盤嶺上  
向日晒鱗週身五色頭一角長尺許有飛雉過張口  
吸之相距四五丈皆翩然而落心知羊爲所吞乃逃  
歸軍吏鄔圖麟云此蛇至毒而其角能解毒各吸毒



石見者取雄黃數斤於上風燒之蛇卽不動乃鋸其角使成塊癰疽初起時以一塊着瘡頂卽相粘不可脫至毒氣吸出乃自落置人乳中浸出其毒仍可再用毒輕者乳變綠重者變青極重者變紫凡變紫者當吸四五次乃可盡餘則一二次愈矣又談薈云滇中有大蛇名青菌能食人又坤輿外紀云伯西爾有大蛇無目能食百獸此皆蟒蛇類也

### 蟒蛇

本草綱目 蟒蛇鱗甲有毛如髯故名又名南蛇又名埋頭蛇長五六丈圍六七尺其身有斑如故錦纈

春夏時伺鹿吞之蛇遂瘦待鹿消盡乃肥其膽能明目涼血除疳殺蟲蘇恭曰試法取栗許着淨水中行走者真孟詵曰豬膽虎膽僞充者着水中亦行走但遲耳。旭按此卽食象之巴蛇也大荒南經謂之元蛇

嶺南雜記 蚺蛇最淫見婦女必與之交媾更以舌入婦女口中人逐之乃去粵西及南海有之捕法度其出入之地釘羅樁數行狹僅容其身壯士執橄欖棍伏其中出一人於外揚婦女裙褲以招之蛇望見昂首來逐人退入羅樁內蛇追入其中轉身不便乃

以橄欖棍擊殺之

嶺表錄異 普安州有蛇戶每年五月五日卽擔蚺蛇入官祇候取膽其膽大如鴨子取訖以線合其瘡口而放之

赤雅 蚺蛇尾有鈎口無齒聲甚怪似貓非貓似虎非虎三膽一附於肝止痛一水膽白漿止瀉一膽隨身擊其處則至名護身膽最佳能辟邪殺鬼肉辟風寒皮可冒鼓聲聞百里

正字通 蚺蛇膽上旬近頭中旬近心下旬近尾五雜俎 蚺蛇膽含粟許於口雖拷掠百數終不死

然大寒能萎陽

比戶錄 蚺蛇牙長六七寸能辟不祥利運行

蝮蛇

正字通 蝮蛇山海經謂之長蛇其子胎產

本草綱目 蝮蛇一名反鼻蛇出南方細頸大頭焦  
尾鼻上有鍼錦文如綬文間有毛如豬鬣大者長七  
八尺陶宏景曰蝮蛇黃黑色如土白斑黃領尖口毒  
最烈陳藏器曰蝮蛇着足斷足着手斷手否則合身  
潰爛七八月毒盛時常囓樹以洩其毒樹便死又吐  
涎沫於草木上着人成瘡身腫名曰蛇漠瘡亦難治

○旭按此卽爾雅之蝮虺也柳子厚贊云目兼蜂蠆色混泥塗其頸蹙而其腹次且褰鼻鈎牙穴出榛居蓄怒而蟠啗毒而趨頗盡其狀又或說蝮蛇產北方沙漠地者頭有雙角突出伏道旁能食駝馬

### 海蛇

譯史紀餘 海蛇有兩尾者有三角者有四翼者有六足者能乘霧而飛御風而走○旭按兩尾疑卽廣志所謂雲南之歧尾蛇一首兩尾者是也三角疑卽本草所謂三角蛇是也四翼六足疑卽西山經所謂太華山有蛇四翼六足名曰肥蠃見則大旱者是也

泥蛇

本草綱目 泥蛇在水中色黑嚙人有毒與水蛇不

同

水蛇

本草綱目 水蛇卽公蠺蛇也生水中大如鱣黃黑

色有纈紋嚙人不甚毒陶宏景云能化鱧○旭按或

說水蛇又能化鱣置鱣缸中夜以火燭之其見火而

昂頭者卽水蛇所化也不可食

述異記 水蛇五百年化蛟

火蛇

蛇譜 火蛇吐火如彈中雀爲食其身長八九尺色  
赤有兩角

金蛇

嶺表錄異 金蛇一名地鱔出黔州桂州出者次之  
正字通 金蛇大如中指長尺許體具金色一名金  
地鱔能解金藥毒

銀蛇

正字通 銀蛇似金蛇而色白又名錫蛇能解銀藥  
毒出雲南

環蛇

蛇譜 環蛇出三佛齊狀如環大者數十圍每逐獸則疾走如轉車輪於千仞之山其口眼俱生環之半與尻相對其脂作藥服之刀劍不能傷

絲蛇

蛇譜 絲蛇產夔州長八尺圍一尺能吐絲作網如罽毼物入其中卽吞之亦嚙人

鈎蛇

續博物志 先提山有鈎蛇長七八丈尾末有歧在山澗中以尾鈎岸上人獸食之

施蛇



本草綱目 蛇蛇形似蛇長七八尺中人必死惟屑船桅煮汁浸之良

橋蛇

蛇譜 橋蛇長八九尺色青如竹尾禿以首尾行如橋然能捕飛鳥產廣東雷州府山中不害人

琴蛇

本草綱目 肅慎國有琴蛇獸首蛇身。旭按大荒北經作琴蟲

方蛇

蛇譜 方蛇產廣西色黃黑如牛皮高五寸縱橫各

二尺其行如矢吐氣如炊烟見人則出脊中黑水射之中者立斃

### 圓蛇

滇黔紀游 圓蛇產貴州狀如石卵斑斕可愛誤拾之得人氣卽化爲蛇嚙人立斃尸不敢收五里內外人不敢行蓋觸其穢氣必腫脹而死

蛇譜 圓蛇文采有山水花鳥竹木之狀

### 扁蛇

蛇譜 扁蛇濶五寸長五尺厚一寸首尾俱齊色如溫綢五色相錯不知者以爲手巾也誤拾之必齧人

產廣西及海南山中

脆蛇

潛確類書 脆蛇一名片蛇

滇黔紀游 脆蛇出貴州土司中長尺餘伏草莽間  
見人則躍起跌爲數段少頃仍合爲一其色如白金  
光亮可愛誤拾之觸毒卽斃其出入有度捕者置竹  
筒徑側彼以爲穴也而入其中急持之則完稍緩卽  
自碎矣暴乾治風疾視其身上中下以治頭腹脛股  
罔不效又可接斷骨

蛇譜 脆蛇嘴尖尾禿背黑腹白暗鱗點點可玩

飛蛇

蛇譜 飛蛇大不過錢圍長七八尺去頭尺許有兩

翅如伏翼飛食小鳥亦齧人然畏金持寸鐵擊之則  
不來

鳴蛇

山海經圖 鳴蛇似蛇而四翼音如磬見則大旱

歌蛇

蛇譜 歌蛇長五尺大一拱出東印度及緬甸永昌

界中每至秋清風明月之夜輒歌其聲宛轉儼若刻

羽流商

啼蛇

蛇譜 啼蛇三足前二後一三角中短左右長色有紫綠白三種長十餘丈每日日落卽作小兒啼聲出烏思藏山中

藍蛇

本草綱目 藍蛇出蒼梧諸縣狀如蝮蛇有約從約斷之其頭合毒藥毒人至死以尾作脯食之卽解  
綠蛇

顧渚山記 顧渚山有綠蛇長可三尺餘大類小指好棲樹杪視之若帶無毒見人則飛。旭按蛇種類

既多色亦不一北戶錄載公路在雷州見羣小兒簇  
二巨蛇各長丈餘一金翠色一真紅色又有小蛇十  
餘頭皆白色

化蛇

山海經圖 陽水出化蛇人面豺身鳥翼蛇行見則

大水

冷蛇

酉陽雜俎 南方有冷蛇長數尺色白不螫人夏月

握之冷如冰

介蛇

蛇譜 介蛇長五六尺有黑白兩種尾繫壳如螺倦則蟠壳中行則拖壳如飛不害人出天方國

比蛇

公餘雜誌 臺灣有一種比蛇見人必豎而立人急用帽或鞋或土擲起呼曰我高蛇又仰卧舒足無數人急解髮呼曰我多蛇遂伏地不動人乃取身中衣帶斷之呼曰我去矣蛇卽死

一角蛇

蛇譜 黔東粵西山中多一角蛇其色赤黑相間赤則如火燭黑則如光漆

五頭蛇

蛇譜 五頭蛇一身五頭各有雙目各能吐舌海南  
山中頗多

五色蛇

水經注 洛谷西左右山溪多五色蛇不害人

百樂蛇

蛇譜 越裳氏產百樂蛇每至春日則出鳴草中或  
絲竹金石聲或簫管琵琶聲或鑼鼓聲或夫鶩聲聞  
者多喜以爲年必豐人無疾焉

雙身蛇



蛇譜 雙身蛇長八九尺一頭兩身雌雄自具單日  
糞從雄尾出雙日糞從雌尾出三月則交五月生卵  
如雞子九月子成能捕鼠出占城緬甸滇西諸處○  
旭按又管子云涸水之精名曰螭狀如蛇而一首兩  
身長八尺呼之可使取魚鼈

爆身蛇

錄異記 爆身蛇長一二尺色如灰若聞人聲則自  
林中飛出橫來擊之中者立斃○旭按此蛇草中亦  
有之

鼓子蛇

蛇譜 四川天全土司中有鼓子蛇形如鼓圓而匾  
高一尺眼鼻俱生平面每風雨將至雌雄相應而鳴  
聲如撾鼓大有漁陽三弄之曲

喚人蛇

綱鑑通俗 喚人蛇產廣西及交趾遇行旅卽大呼  
曰何處來那裡去若不知而誤應之雖去隔數十里  
蛇必至至則腥風擁樹排闥而入吞應者去人莫能  
制故過客旅宿主人必問曰道有呼汝者乎曾應否  
如有則以本匣置飛蜈蚣爲枕聞腥風來揭開卽飛  
去一嚙而蛇斃其蛇肉可食脂可燃燈雖大風不滅

人面蛇

蛇譜 人面蛇雌者如美女項下有足似人手雄者有髯而色綠長數仞善搏虎而畏狐緬甸阿哇占城交趾及八百媳婦諸國山中有之

雞冠蛇

錄異記 雞冠蛇頭似雄雞有冠身長尺餘圍可數寸中人必死會稽山有之。旭按此蛇冠正紅身黃赤相間見東軒主人述異記

燭尾蛇

抱朴子 燭尾蛇似青蛭其尾上三四寸有異色最

毒

本草綱目 煇尾蛇毒尤猛烈中者急灸艾三四壯使毒不行隨以藥敷之。旭按毒蛇齧皆可用此法

響尾蛇

公餘雜誌 南番及兩廣僻處有一種蛇長七八尺生三歲後其尾每年添骨一節骨露於外行則響如蟬鳴廣人呼響尾蛇其毒藏一袋內見人則豎其袋而壓之凡被壓者多不救其目光能射物遇鳥雀但以目射之卽不能動輒墜其口。旭按或說又名驚

閨蛇

富貴蛇

蛇譜 富貴蛇色黃而間以青腹白舌赤齒黑長四五尺若穴人家倉困下則米粟必多。旭按蕁鄉贅筆載江甯溧陽縣產異蛇長四五尺名曰蠻甲能隱形入人家善事之往往致富卽此類

慈曼蛇

蛇譜 慈曼蛇與青簫蛇性狀相同善捕鼠不啗人吐光蛇

格致鏡原 吐光蛇出惠州遇科舉年吐異光一團則一人登科二團則二人登科

報冤蛇

朝野僉載 嶺南有報冤蛇人觸之雖三五里隨身  
卽至打殺則百蛇俱集惟以蜈蚣自防可免

冬瓜蛇

嶺南雜記 瓊州有冬瓜蛇大如柱長二尺行則跳  
躍蓬蓬有聲螫人立死

黃連蛇

隴蜀餘聞 黃連蛇甚小產雅州食黃連遍體作金  
黃色

黃領蛇

本草綱目 黃領蛇色黃黑相間喉下正黃一名黃  
喉蛇處處有之大者近丈

黃領蛇

談薈 四明山有黃領蛇長一二尺色如金居石縫  
中欲雨作牛吼聲中人必死

黃花蛇

一統志 黃花蛇出溫江長百餘丈神光照三百餘  
步口吐椒梅花香熏灼三十餘里

菜花蛇

本草綱目 菜花蛇處處有之黃綠色。旭按此蛇

身黑而有斑文色如菜花故名大者長丈許

### 白花蛇

本草綱目 白花蛇產蘄州者爲上故一名蘄蛇其鼻向上故又名褰鼻蛇其狀龍頭虎口黑質白花脇有二十四箇方勝文腹有念珠斑口有四長牙尾有一佛指甲長一二分蘇頌曰此蛇喜螫人足黔人有被螫者立斷之續以木腳若入人家必作爛瓜氣當速除之其肉治風疾速於諸蛇然頭尾有大毒不可用○旭按此蛇日常閉惟午時一開其口中有絲放出一二丈人物誤觸之則緣絲而至無有脫者或又



名五步虎又或說凡蛇皆以眼聽

爾雅翼 斲蛇雖死目開如生若生舒斲兩界者則

一開一閉

### 黑花蛇

本草綱目 烏蛇卽黑花蛇也一名烏梢蛇寇宗奭  
曰此蛇脊高世稱劍脊烏稍其尾細而長以能穿小  
錢一百文者爲佳其性畏鼠狼

乾甯記 烏蛇不食生命亦不害人多在蘆叢中吸  
南風及其花氣其身烏而光頭圓尾尖目赤至死不  
枯隘如活者然

炮炙論 蘄州烏蛇頭上有逆毛雄者腹下又有白帶一條長一寸

黑稍蛇

本草綱目 馬志曰江東有黑稍蛇纏人物至死。旭按此蛇今處處有之其身黑而圓又南海普陀山志載普陀山多黑蛇不傷人則又物性之隨所在而異者

風稍蛇

本草綱目 一種似烏蛇而長太無劍脊而尾粗者名風稍蛇亦可治風疾特木及烏蛇耳

桑根蛇

本草綱目 桑根蛇卽赤棟蛇也其色紅黑節節相間○旭按此蛇夜見火必起而逐之

竹根蛇

本草綱目 竹根蛇一名青蝻大者長四五尺甚毒○旭按卽青竹蛇也其色與竹同善緣竹嚙人難治  
枳首蛇

正字通 枳首蛇大如指一頭有口眼一頭無口眼皆能行○旭按此卽南華經之彷徨博物志之率然也本草名兩頭蛇又名越王蛇爾雅註云江東名越

王約髮又名髻絃又神異經載西方有蛇頭尾差大  
五采人中其頭則尾至中其尾則頭至中其腰則頭  
尾並至各率然亦此類又或說龍游有五步蛇長尺  
許兩頭俱有口眼其竅在腰螫人甚毒凡被螫者當  
忍痛急行出五步外用水烟一握納口中若覺味辣  
可治如食烟而味不覺辣者再食之以知辣爲度  
嶺表錄異 嶺外多兩頭蛇大如小指長尺許腹下  
鱗紅背有錦文南人習見之

爾雅翼 兩頭蛇黑鱗白章

續博物志 馬鼈食牛血化兩頭蛇

青簫蛇

蛇譜 青簫蛇色青而狀如簫長三四尺善捕鼠

壁鏡蛇

談薈 壁鏡蛇身扁五色螫人必死惟桑柴灰汁三沸調白礬爲膏塗之可救

眼鏡蛇

公餘雜誌 眼鏡蛇長六七尺頭上有鱗甚大頸能伸縮兩目如鏡產臺灣及高麗又名高卑蠟噉人不治

烏虎蛇

蛇譜 烏虎蛇出滇南土司中高五尺大二圍首尾俱平如圓木色蒼黑常立草中飛鳥過則噴唾彈之土人名烏子虎

豹皮蛇

綱鑑通俗 豹皮蛇濶三尺長五尺厚三寸斑爛若豹皮人物踐之卽斃淳泥國人呼荆奇鑲

活禱蛇

談薈 貞觀中波斯獻活禱蛇狀同鼠色青能捕鼠

犁頭蛇

山堂肆考 犁頭蛇頭似犁頭尖嘴大頷螫人必死

○旭按卽虺也本草名虺爾雅名駃騠郭註云淮南呼蜚子其狀扁頭大眼色如土見人則昂頭而逐之吾鄉呼犁頭撲囓人甚毒大者八九尺或曰卽蝮蛇之小者誤

蛇婆

本草拾遺 東海有蛇婆似蛇常浮游水上

聯聽

字林 聯聽形如蜥蜴出魏興居樹上見人則跳來囓之囓已還樹垂頭聽聞哭聲乃去○旭按此卽酉陽雜俎之木僕也又名高聽又名千歲蝮又名斫木

蛇又名令木蛇又名望板歸其狀如蛇長尺餘首尾相似有四足見人則跳來嚙之嚙已上樹作聲其聲曰斫木斫木者不可救若曰博速博速者猶可急治用細辛雄黃等分爲末置瘡中日三四易之或搗嫩黃荊葉敷之亦可稍緩則毒四行不治以上集眾說苟印

本草拾遺 苟印一名苟斗出潮州似蛇而四足其膏治耳聾○旭按此疑卽山海經之鰐魚

條蠭

東山經 未塗之水多條蠭其狀如黃蛇魚翼出入



有光見則大旱

草上飛

公餘雜誌 草上飛毒蛇也出大英國其身長三四尺細如人指香色而有黑點嚙人甚毒

夜裏叫

綱鑑通俗 交趾國產一種蛇當半夜必大聲呼救命聞者若輕啟出戶卽爲所害

龍盤魚

廣輿記 粵西桂林府興安龍蟠山有龍盤魚四足有角丹腹修尾狀似守宮能致風雨。旭按正字通

載建陽銅山古井中有五色魚長四寸狀似龍旱可  
取以祈雨卽此類

鯉魚

釣磯立談 鯉魚一名稗龍

古今注 赤鯉曰赤驥青鯉曰青馬黑鯉曰黑駒白  
鯉曰白騏黃鯉曰黃騅

正字通 鯉魚無大小脇鱗皆三十有六鱗皆有黑  
點

清異錄 鯉魚額上有王字者名王字鯉尤通神

東萊子註 鯉魚有三十六金鱗者過龍門能化龍

本草備要 鯉魚骨燒灰治魚骨鯁

本草綱目 鯉魚脊上筋及黑血有毒溪澗中者毒在腦俱不可食陶宏景曰一種生山上水中者亦宜忌

鰾魚

北山經 懷澤之水多鰾魚狀如鯉而雞足食之已瘤

橫公魚

神異經 北方荒中有橫公魚長七八尺狀如鯉而赤色晝伏水中夜化爲人刺之不入煮之不死當以

烏梅二枚同煮食之可止邪病

文鰩魚

本草綱目 文鰩魚飛魚也狀似鯉魚鳥翼魚身蒼  
文白首赤喙常以夜飛其音如鸞食之已狂陝西鄠  
縣潞水出之又可已痔疾陳藏器曰此魚長尺許羣  
飛海上當有大風其肉無毒燒黑研末酒服治婦人  
難產。旭按此卽羸魚也正字通云大者至丈許兩  
翅如蝴蝶有花文一名文魚又中山經云飛魚狀如  
豚而赤文服之不畏雷

鯽魚

埤雅 鯽魚一名鮒魚形似鯉色黑而體促腹大而脊隆所在池澤有之

續廣雅 波臣鯽魚也

霏雪錄 鼠能變鯽魚

本草綱目 張鼎曰鯽魚合豬肝雞肉雉肉食必生癰疽蘇頌曰黔中一種重唇石鯽魚味尤美

神異經 祖州鯽魚長八尺食之宜暑辟風寒

水經注 蘄州青林湖鯽魚大者二尺食之辟寒暑廣輿記 江西吉安蜜湖產鯽魚味如蜜

山堂肆考 諸魚皆屬火惟鯽魚屬土故能入陽明

而有調胃實腸之功

鱸魚

中山經 來需之水多鱸魚黑文狀如鮒魚食之不  
睡

鰾魚

南山經 黑水有鰾魚其狀似鮒魚而鰾展其音如  
豚見則大旱

白妾魚

赤雅 白妾魚出大荒山深澗中長四尺五寸臍下  
有帶白光映目作膾香美水陸無有方者。地按此

卽古今注之青衣魚爾雅翼之婢妾魚本草之魮魮  
鯽也爾雅名魮魮又名魮歸郭註云俗呼魚婢江東  
呼妾魚其狀似魮而小色薄黑而揚赤有青翠文腹  
下有白帶三条長一二寸處處有之澗中尤多其行  
以三爲率一前二後大者長不過七八寸此云四尺  
五寸蓋所產之地有不同也

青郎魚

山堂肆考 青郎魚似海魮而大一名榔磚硬鱗剛  
骨齒如鐵鋸嚼螺蛤成粉味極佳

金魚

陔餘叢考 金魚初出錢塘六和塔池中宋南渡後始有人畜之。旭按此魚紅色者最多故名金魚又名火魚白色者名銀魚又有黑色者又有五色相間者名手巾魚其狀有似鯉者有似魮者有似鱖者有似鱣者有龍頭鳳尾者今處處有人畜之李時珍本草云取重一二斤者如常治食能除久痢又山堂肆考云碧雞山下有金線魚文如金線中都有玳瑁魚文如玳瑁皆此類

丹魚

抱朴子 丹魚出丹水先夏至十夜伺之魚浮水側



必有赤光上照若火割血塗足可以履水

鶴魚

鳥獸續考 南番大海中有魚頂中鮓紅如血名曰鶴魚故以爲帶號曰鶴頂紅

鯖魚

正字通 鯖魚俗呼烏鰭其頭中枕骨蒸令通氣曝乾狀如琥珀楚人以爲酒器其大者曰鰭魚○旭按卽青魚也其身圓而鱗大青黑色重者百餘斤食螺螄

赤雅 藤江鯖魚膽治目疾比空青

鱮魚

事物原始 鱮魚似鯖魚蛇首白目有肫而肥

鱮魚

廣輿記 鱮魚產浙江紹興府餘姚縣。旭按此卽爾雅所謂鮒黑鮪是也其狀頗類青魚而色黑身圓口小長者尺許其子滿腹有黃脂味美其骨軟如鯢魚又吳都賦註云鱮魚長七尺蓋所產之地不同也

鈎魚

鳥獸考 鈎魚狀類鮪魚身少扁其唇甚長垂下數寸味皆在此

竹魚

嶺南雜記 竹魚出桂林江中狀如青魚大而少骨  
刺色如竹青翠可愛鱗下間以朱點味如鰕魚廣南  
以爲珍品

鮠魚

正字通 鮠魚膽至苦主喉閉。旭按卽鰕魚也處  
處有之狀類青魚而身圓色帶白俗呼草魚

墨頭魚

王漁洋精華錄註 墨頭魚似鰕魚長者近尺出四  
川嘉州郭璞爾雅臺前二月有之。旭按此魚或又

名北斗魚語聲轉也

鰾魚

正字通 鰾魚魴魚也其目中有赤脉貫瞳俗呼赤眼魚善遁網○旭按此魚處處有之狀似草魚而鱗細青質赤章

鰾魚

駢雅 胡鰾鰾魚也

本草綱目 鰾魚卽鰾魚也處處有之頭小形扁鱗細腹肥色白失水易死其肉無毒能溫中益氣然發瘡疥

鱮魚

本草綱目 鱮魚卽山海經之鱣魚也狀似鯉魚色黑頭最大肉無毒食之已瘤然能動風發瘡疥陳藏器曰此魚目旁有骨名乙禮云魚去乙卽此。旭按此卽俗所謂胖頭魚也又名鯪胖頭又名黑鯪亦名鮑魚大者五六十斤一種生海中者曰海鱮

馬鮫魚

甯波府志 馬鮫魚形似鱮而膚似鯧色白有黑斑味最腥魚之下品也一名社交魚以其交社而生鳥獸續考 馬鮫魚切成塊曝乾貨之名曰溜魚

白魚

本草綱目 白魚卽鱮魚也形窄腹扁鱗細頭尾俱  
向上肉中有細刺比他魚可食然亦能熱中發瘡。  
旭按卽白花魚也色青白處處有之大者六七尺爾  
雅曰鰕

石首魚

雅俗稽言 石首魚一名洋山魚蓋洋山所出也

兩航雜錄 石首魚小者名鰕魚又名躑魚再小者  
名梅首又名梅童其次名春來此魚無血僧人名菩  
薩魚。旭按卽石頭魚也其頭有白石二枚故名俗

名黃魚博物志名鰕魷或又名江魚又名黃花魚生  
東南海中其形似白魚扁身弱骨細鱗黃色如金每  
歲四月來自海洋綿亘數里聲如雷鳴海人以竹筒  
採水底聞其聲乃下網截流取之其肉無毒曝乾曰  
鯊魚痢疾最宜又段成式雜俎云蜀中每殺黃魚天  
必陰雨未識卽此否又一種似石首魚而口有三牙  
如鐵鋸者名鰕魚或曰卽石首魚之雌者

魴魚

天香樓偶得 魴魚身廣而扁頭尾俱尖小俗呼鰕  
魚冬月有之大者二三斤

爾雅正義 魴魚一名魴魚青白色細鱗穹脊博腹  
頭項縮小今所在有之以出漢水中者爲勝

本草綱目 魴魚無毒但下痢人勿食

火燒魴

本草綱目 火燒魴頭尾俱似魴魚脊更隆上有紅  
鬚連尾如蝙蝠之翼黑質赤章色如烟薰大者二三  
十斤

短魚

甯波府志 短魚項縮而短色微紅

鯧魚



本草綱目 鮠魚一名昌鼠一名鮠魚廣人名狗  
瞋睡魚出閩浙廣南海中四五月有之陳藏器曰鮠  
魚肉食之令人肥健子食之令人痢下。旭按此魚  
似鰻而頭上突起連背尾如燕身圓肉厚止一脊骨  
骨軟可食糟者曰鮠鰻鮠

鮠魚

爾雅 鰻鰻 正義卽鮠魚也似魴而長色白味腴  
肉多細刺。旭按此魚今夏月有之逆流而上不復  
下恐傷鱗也其色白如銀大者長三尺名箭魚又名  
當魴其腹下有角鱗肪卽在鱗中連鱗蒸食極佳

本草綱目 鮓魚江東最盛人甚珍之惟蜀人呼瘟  
魚不食其鱗用石灰水浸過曝乾層層起之可作女  
人花鈿孟詵曰鮓魚肉補虛勞

山堂肆考 鮓魚出富陽者尤美

嶺南雜記 廣西鮓魚絕無味

### 魴魚

本草綱目 魴魚出東南海中以四月至漁人設網  
候之聽水中有聲則魚至矣有一次二次三次乃止  
其狀如鮓魚而小首細鱗腹下有硬刺頭上有骨合  
之如鶴喙形其肉能開胃煖中乾者曰魴鯿尤良

潛確類書

鰣魚冬月出者名雪映魚味尤佳

嘉魚

本草綱目

嘉魚河陽呼鮓魚言味美也蜀人呼拙

魚言性鈍也出丙穴故又呼丙穴魚常以二三月隨水出八九月逆水入其頭有黑點身長鱗細肉白味鹹無毒食之令人肥健

嶺南雜記

嘉魚出肇慶府冬月最多

粵述

梧州火山下有丙穴出嘉魚

桂海虞衡志

嘉魚似鮓魚多脂味美

鮓魚

彙苑詳註 鮓魚出蜀江背鱗黑而膚理似玉蜀人  
以爲膾極佳

鮓魚

正字通 鮓魚一名鮓魚一名鮓魚一名鮓魚魏武  
食制名望魚爾雅名鮓刀大者又名母鮓。旭按鮓  
與鱗同出甯波及蘇州太湖二三月有之狀狹而長  
側薄如尖刀細鱗白色吻上有硬鬚腮下有長鬚腹  
有角刺俱快利如刀肉細而鬆較鮓魚尤美然多食  
動火且發瘡疥

履園叢話 鮓魚飲而不食故腸味尤美

鰕魚

正字通 鰕魚扁身濶腹巨口細鱗皮厚肉緊味如  
豚一名水豚一名鰕豚又名石桂魚蕉氏筆乘呼鰕  
魚誤。旭按此魚處處有之色灰白而有黑斑肉緊  
味佳能補虛勞益脾胃惟脊有毒刺十二應十二月  
人誤吞之殺人延壽書云橄欖核磨水嚙之可解  
爾雅翼 諸魚無肚不嚼鰕魚有肚能嚼

鱸魚

韻府 鱸魚皆兩腮惟松江鱸魚四腮。旭按卽豸  
魚也四五月處處有之其狀類鰕魚色白如銀無黑

斑而有黑點其肉蒸食極佳並益人惟有小毒中其  
毒者急用蘆根搗汁解之

腮  
談苑 松江鱸魚長橋南出者四腮長橋北出者三  
腮

鰮魚

中山經 合水有鰮魚狀如鰕居達蒼文赤尾食之  
不癰

鰽魚

雨航雜錄 鰽魚卽樂清志所謂鰽魚也

甯波府志 鰽魚似鱸而肉粗三腮四腮者曰茅鰽

小者曰鮓姑。旭按或說鮓魚乃石首魚蓋名同而物異也

鰻魚

正字通 鰻魚體圓厚而長似鰻魚腹稍起扁額長喙細鱗腹白背微黃色好啖魚諸書以爲石首魚非也

本草綱目 鰻魚口在頷下大者二三十斤肉無毒孟詵曰能補五臟益筋骨和脾胃多食宜人曝乾亦香美

鰻魚

本草綱目 鰻魚一名鮠魚一名鰠魚一名黃頰魚  
生江湖中體似鰻而腹平頭似鮐而口大頰似鮎而  
色黃鱗似鱗而稍細大者三四十斤啖魚最毒池中  
有此不能畜魚異苑云諸魚欲產鮠以頭衡其腹世  
謂之眾魚生母然今諸魚生子必雄魚衡其腹仍尿  
白以蓋其子非盡是鮠魚也其肉無毒能已嘔暖中  
益胃

鰻魚

正字通 鰻魚白鰠別名也又名鰻條魚其形狹而  
長郭璞以爲鮠魚誤。旭按此魚大者尺許其形狹



如柳葉鱗細而整潔白可愛今處處有之好浮水面  
黃鯛魚

正字通 黃鯛魚似白鰱長不近尺濶不踰寸扁身  
細鱗腸腹多脂南人名黃姑魚北人名黃骨魚  
公魚

事物紺珠 公魚似白鰱細鱗長不滿尺有子甚美  
出大理

通印子魚

遯齋閒覽 莆陽有通應侯廟廟前港中魚最佳今  
人呼其大可容印者爲通印子魚。旭按西陽雜俎

云印魚長一尺三寸額上四方如印有字諸大魚應死者先以印封之卽此或作通應子魚以其出通應侯廟前也

棘鬣魚

格致鏡原 棘鬣魚其鬣剛如棘故名其鬣赤又名赤鬣此魚味豐在首首味豐在眼莆人蕙酒蒸之以爲珍品

方頭魚

興化府志 方頭魚似棘鬣魚而頭方味亦美

魚朱魚

西陽雜俎 負朱魚每鱗有一點朱

鱗魚

雨航雜錄 鱗魚身柔如膏無骨鱗細口濶齒多一

名鱗魚

鑷魚

臨海水土記 鑷魚長七寸頭如鑷

香魚

歐江逸志 香魚鱗細不腥春初有之每月長一寸  
至冬月則長尺餘乃赴潮雁山溪澗中有之一名記  
月魚

廣雁蕩山志 香魚生雁山閣口溪者爲上其口雖  
焙乾亦閣

鯊魚

本草綱目 鯊魚一名鮫魚一名吹沙一名沙鯧又  
名沙溝魚生南方溪澗中大者長四五寸其頭尾一  
般大頭狀似鯢體圓似鯽厚肉重唇細鱗黃白色有  
黑斑點背有鬚刺甚硬其尾不歧小時卽有子味頗  
美俗又名呵浪魚

杜父魚

正字通 杜父魚一名黃魮魚本草名渡父魚臨海

志名伏念魚俗名船矴魚見人則以喙插入泥土中如船矴也

本草拾遺 杜父魚生溪澗中長二三寸狀如吹沙而短其尾歧大頭濶口其色黃黑有斑脊有鬚刺螫人。旭按此卽土附魚也附土而行或又名吐哺魚一種相似而腮紅好食蝦者名蝦虎又名新婦魚亦此類

### 石斑魚

本草綱目 石斑魚一名石磬魚一名高魚生南方溪澗中長數寸白鱗黑斑如虎常游水面聞人聲則

劃然深入其性淫其類無雄春月與蛇醫及蜥蜴交其子有毒。旭按一種斑如點漆者名溪斑亦此類石鰻魚

正字通 石鰻魚長一寸背裏腹下赤南人以作鱠。旭按此亦溪澗中小魚也

抱石魚

鳥獸續考 抱石魚生建甯府山溪中其背偃而腹平大如指常貼石上土人取爲腊

沙綠魚

彙苑詳註 沙綠魚生隈瀨中狀若鰮大不上五寸

味甚美蜀人珍之

仙胎魚

筠廊偶筆 卽墨縣溪中產仙胎魚乃溪邊柳葉所  
化其身長二寸形似柳葉

比目魚

爾雅 東方有比目魚不比不行名曰鰈。旭按此  
魚名不一曰鰈曰鰈曰魮曰魮曰鰈曰東鰈曰  
版魚曰簪葉魚曰婢徒魚奴屨魚曰拖沙魚曰半  
面魚曰王餘魚曰鞋底魚皆隨所在與其形似而名  
之其狀似女人鞋底一目其鱗甚細但祇一邊色灰

白亦有紫黑色者相傳越王渡江時剖魚落其半於江中遂化此物今錢塘江有之行必兩片相合若失偶則浮水面其肉甚腥

竹夾魚

雨航雜錄 竹夾魚似比目魚而身圓尾尖青黑色一名土鱧

無腸魚

戒庵漫筆 天台山寺池中有無腸魚相傳昔有僧治魚欲食見者譏之僧乃放之池中已而復活至今相生。旭按菰林伐山載激江有魚滇人呼濂竇魚



其魚乾而中空此卽無腸魚之類焉又或說襄陽古井中有魚無肉惟骨相連

鬼頭魚

正字通 鬼頭魚出廣東韶州府樂昌榮溪中味美而狀獷惡

虎頭魚

吳都賦註 虎頭魚頭似虎。旭按卽魚虎也倦游錄名泡魚臨海記名土奴魚其狀似魚而虎頭其背有刺如猬着人如蛇咬今南海有之老則能變虎沙及豪豬

鹿頭魚

正字通 鹿頭魚一名潛鹿其身似魚而鹿頭。旭按或說此魚有角似鹿腹下有足似人手

馬頭魚

酉陽雜俎 馬頭魚出象浦色黑長五丈餘頭似馬能食人

羊頭魚

酉陽雜俎 羊頭魚產四川雲陽縣巴鄉村溪中其頭似羊少骨多肉味美

秦皇魚

酉陽雜俎 東海漁人言近獲魚長五六尺腸胃皆成刀槩之形名秦皇魚

### 鱣魚

正字通 鱣魚頭似虎足似鼉長二丈餘喙三尺利齒修尾一名魚虎

廣輿記 鱣魚產廣東潮州府饒谿中○旭按洽聞記云扶南國產鱣魚別名忽雷又名骨雷入秋能化虎但三爪又八紘譯史云占城產鱣魚能辨曲直獄有難斷者令過鱣魚潭曲者食之直者不爾此皆物之隨所在而異者也

嶺南雜記 鱷魚似龍無角黃色齒利如鋸四足修

尾尾有三鈎遇人畜卽以尾擊而食之

博物志 斬鱷魚頭乾之去其齒旬日更生如此者  
三乃止

南海記 鱷魚一生百卵及成形爲鱷者十之二餘  
皆爲鼃爲鼃爲龜蛇之類

鬼魚

粵述 鬼魚出蠻洞其形似鱷魚獠人取而禱之食  
人卽死

刺瓦而多

坤輿外紀 刺瓦而多海魚也其狀似鯪魚長尾堅  
鱗刀箭不能入利爪鋸牙滿口性甚獷惡入水食魚  
登陸食人畜然人逐之彼亦卻走其目入水極鈍出  
水卽明見人遠則哭近則噬故西國稱假慈悲爲刺  
瓦而多哭其腹下有軟處畏仁魚及乙苟滿雜腹蘭  
三物

鯨魚

格致鏡原 鯨魚一名摩竭

古今注 鯨魚大者長千里小者長數千丈其雌者  
曰鯢。旭按紀文達公筆記載孟鷺洲巡視臺灣過

白水洋遇巨魚鼓鬣而來舉其首如危峯障日每一撥刺浪湧如山聲砰訇如霹靂移數刻始過盡計其長當數百里疑此卽鯨魚之類也

爾雅正義 鯨魚目乃明月珠故死卽不見眼睛

正字通 鯨魚穴處海底出穴則海水湓湓謂之鯨潮其魚常以五月生子於岸八月導子入海鼓浪成雷噴沫成雨水族無不畏之

淮南子 鯨魚死而彗星出

仁魚

坤輿外紀 仁魚海中大魚也鬣甚利

海魔

正字通 海魔魚名也大如島有二手二足洋船甚畏之

海燕

南齊五行志 永明九年鹽官縣有海魚長三十餘丈黑色無鱗聲如牛吼土人名海燕食其肉

斯得白

正字通 斯得白海中大魚也長二十丈其性良善能護人見人爲惡魚所困必解之

把勒亞

坤輿外紀 把勒亞海魚也長數十丈首有二十大孔  
噴水上出見海船必昂首注水船中頃刻卽沉遇之  
者急取盛酒巨木罌投之吞數罌乃去若淺處得之  
熬油可數千斤

### 落斯馬

正字通 落斯馬海中大魚也長四丈足短居海底  
罕出水面皮甚堅刺之不可入其額有二角如鈎寐  
則角挂石盡日不醒

### 薄里波

譯史紀餘 薄里波海中大魚也其色隨物而變附



土如土色附石如石色

天牛魚

南越志 天牛魚長三丈眼大如斗口在脅下露齒  
無唇兩肉角如臂翼長六尺尾五尺

鱈

本草綱目 鱈一名黃魚一名蠟魚一名玉版魚異  
物志名含光言其脂肉夜有光也遼人名阿八兒忽  
魚俗名鱈鯢魚出江淮黃河遼海深水處無鱗狀似  
鱗色灰白背有骨甲三行鼻長有鬚口在頷下尾歧  
恒張口接物聽其自至蟹魚多誤入之其行在水底

去地數寸漁者以小鈎千數沉而取之一鈎着身動而護痛諸鈎皆着越數日困憊乃敢掣取大者重一二千斤其脊骨及鼻並髻與腮皆脆軟可食其肉色黃有小毒食荊芥人宜忌

草木蟲魚疏 鱣形似龍銳頭口在頷下背腹皆有甲縱廣四五尺今於盟津東石磧上鈎取之大者千餘斤可蒸爲臠又可爲鮓其子可爲醬

### 鱣魚

西山經 渭水東流注於河其中多鱣魚狀似鱣動則有兵

薄魚

東山經 膏水多薄魚狀似鱣而一目其音如嘔見則大旱

鮪

草木蟲魚疏 鮪似鱣而青黑頭小而尖似鐵兜鍪口亦在頷下其甲可以摩薑大者不過七八尺益州人謂之鱣鮪大者爲王鮪小者爲鮓鮪一名鮓肉色白味不如鱣今東萊遼東人謂之尉魚或謂之仲明仲明者樂浪尉也溺死東海化爲此魚。旭按卽鱣魚也或作鱣魚或作淫魚其色青碧又呼碧魚遼人

呼乞里麻魚大者長丈許狀似鱣而背上無甲鼻尤長幾與身等頰下有青斑如梅花今江南揚子江中亦有之肉味頗佳然發瘡疥

漢書司馬相如傳註 鮪出犂縣穴中三月遡河上能渡龍門之限則爲龍

### 豪魚

中山經 渠豬之水多豪魚狀如鮪而赤尾其羽已白癬

### 麻魚

坤輿外紀 海中有麻魚狀極粗笨餓時潛入海底

魚聚處魚身遂麻木不能動乃食之

沙魚

使琉球記 沙魚長三丈尾後有兩小魚隨之狀如河豚花紋綠色可愛。旭按尾後小魚卽其子也南越志云環雷魚鰭魚也長丈餘腹有兩洞貯水養子一腹可容二子其子朝從口出暮還入腹其皮有珠可飾刀劍卽此魚也又名河伯健兒

本草綱目 鮫魚一名沙魚一名鰭魚一名蝮魚一名溜魚出東南近海處形似魚青目赤頰背上有鬣腹下有翅味肥美南人珍之大者尾長數尺能傷人

皮有沙如真珠斑其文如鹿者曰鹿沙亦曰白沙能變鹿文如虎者曰虎沙亦曰胡沙乃魚虎所化其鼻前有骨如斧斤能擊物壞舟者曰鋸沙又曰挺額魚又曰鱠鱠肉並無毒。旭按能變鹿者又名鹿子魚正字通 海魚千歲爲劍魚一名琵琶魚形似琵琶喜鳴卽大沙魚也其喙長丈許齒利如鋸能與把勒

亞闕

通雅 鰓音電出山東大不過數指本草以爲鮫別名誤

槌額

臨海水土記

臨海產槌額似鰈魚長四尺

海蠻師

夢溪筆談 海州漁人獲一物魚身豹文虎頭有兩短足指爪皆如虎長約八九尺見人則淚下父老謂之海蠻師。旭按履園叢話載乾隆甲寅六月海鹽有一物長八尺餘色純黑毛如海虎尾尺許無毛四足如魚翅頭如駱駝眼口若塗硃人以刀示之則淚垂蓋亦海蠻師之類也

鰈魚

事物原始

鰈魚色赤頭尖口小在腹下大者

百斤其尾長不滿尺而圓其脂可燃燈又名鰾水

### 魮魚

興化府志 魮魚頭如燕身圓而扁如簸箕尾長如牛極毒中之者連日號呼不止一名燕魮魚又名牛尾魚福州人食之

六書故 魮魚海中無鱗魚也狀類蝙蝠大者如車輪

事物原始 魮魚尾稍有一骨長二三寸人若被其一刺急取魚尾竹或海獺皮解之若三刺則死。旭按卽黃魮魚也酉陽雜俎載此魚色黃無鱗頭尖身



似大櫚葉口在頷下眼後有耳竅通於腦尾長一尺末三刺甚毒又或說魴魚背有壳六足足有皮相連如蝙蝠若欲他往則移壳爲舟張足皮爲帆乘風而行又本草拾遺說南海又有鼠尾魚又有地青魚並有肉翅能飛尾亦有毒刺殺人食者均宜慎焉

海鷁魚

嶺南雜記 海鷁魚一名蒲魚一名鱒魚味極美而尾有大毒中之癢悶不已惟以葛布燒灰同蒜油調塗良○旭按此卽韻書之魴魚正字通之鱒魚魏武食制之蕃躡魚嶺表錄異之雞子魚也本草名邵陽

魚又名鮪魮魚又名荷魚又名石鱗其形似大荷葉圍五六尺其口在腹下狀頗類鵠目在額上無鱗遍體灰黑色尾長其肉鮮美而多骨節節聯比皆脆軟可食陳藏器曰此魚以尾刺人甚者至死常候人尿處釘之令人陰莖疼痛須拔去其刺乃瘡今江中亦時有之俗名鍋蓋魚又名鬼尾魚

### 海人魚

洽聞記 東海有海人魚長五六尺狀如人眉目口鼻手爪皆具肉白如玉無鱗有細毛五色輕軟長一二寸髮如馬尾陰形與丈夫女子無異臨海人養之

池沼中交合亦如人。○旭按此卽山海經所謂陵魚  
比戶錄所謂白髮魚也。又甄異記載查道奉使高麗  
見海沙中一婦人紅裳高髻肘後有紅鬣問之舵工  
曰人魚也亦此類

### 海女

坤輿外紀 海中有海女上半似女人下半似魚其  
骨服之可止下血

### 望潮魚

廣輿記 浙江台州產望潮魚一名海和尚。○旭按  
或說海中有一種魚狀似小兒而作聲似念佛恒于

百爲羣能覆人船名曰海和尚或卽此

### 人面魚

譯史紀餘 人面魚毒在身而鮮在目前朝有使臣使日本國王特進此魚使臣食其目卽令撒去王欽其博識○旭按南山經云英水有魚曰赤鰭狀似魚而人面食之不疥或卽此

### 牛魚

正字通 牛魚剝皮懸之潮至則毛起潮去則毛伏○旭按卽魚獸也又名引魚其狀似牛無足背有斑文長丈許肉可食王易燕北錄以爲鱗魚誤又南山

經云棧山有魚曰鱣狀如牛陵居蛇尾有翼其羽在脅下其音如留牛冬死而夏生食之無腫疾又東山經云食水多鱣鱣之魚狀似牛而音如琬疑皆此類狗魚

坤輿外紀 海中有狗魚好食飛魚舟人往往以雞羽或白練飄揚水面上着利鈎彼以爲飛魚也躍起吞之因爲舟人所得。旭按北山經云諸懷之水多鮪魚其狀似魚而犬首疑卽此

海豚

正字通 海豚一名鱣。旭按爾雅云鱣是鮪卽此

或又名建同其狀頗類豬四足無鱗青黑色其尾如  
河豚大腹尖喙齒羅生上下相銜其鼻如象生額上  
能噴水高五六十尺今江中時有之大者長丈餘肉  
可食味如水牛肉

坤輿外紀 西國取海豚必以仁魚爲媒每呼仁魚  
入網卽入海豚亦與之俱入俟入盡乃呼仁魚出而  
海豚悉在網中

### 江豚

續廣雅 井魚江豚也

山堂肆考 江豚俗呼拜江豬

說文外編 江豚一名獮一名溥浮俗作鱣鯨

正字通 江豚鱣魚也一名奔鯨又名鱣有兩乳在腹下雌雄陰陽並類人殺一頭得膏三四斛

本草綱目 江豚異物志名水豬又名饞魚魏武食制名鱣鮪陳藏器曰其脂點燈照樗蒲則明照讀書工作則暗俗云嬾婦所化其肉味如牛肉。旭按往歲游廣陵渡長江聞舟人說江中多江豬其狀似豬而大至三四百斤青黑色無鱗胸有兩乳頗類人遇大風將至必出水面一沈一沒俗謂之拜風此卽江豚也又北山經云留水多鮎父之魚其狀魚首而

豕身食之不嘔恐亦此類

酉陽雜俎 井魚腦有穴能噴水上出如飛泉舟人以器貯之其味淡

### 河豚

本草綱目 河豚一名鯪鯪一名魴鯪一名鰾魚一名鮎魚一名嗔魚一名吹肚魚一名氣包魚今吳越最多其狀如蚪斗大者尺許背色青白有黃縷無鱗無腮無膽腹白而不光率以三頭相從爲一部彼人春月甚珍貴之呼其腹爲西施乳其性反荆芥菊花桔梗甘草附子烏頭等物其肝及子毒最猛陳藏器



曰入口爛舌入腹爛腸無藥可解。旭按卽豚魚也  
通雅 河豚一名烏狼一名探魚

戒庵漫筆 河豚大者名青郎君小者名斑兒

槐西雜志 河豚天津最多土人食之如園蔬然亦  
有死者

菰苑雌黃 河豚水族之奇味世傳其殺人余見丹  
陽戶戶食之但用菰菜蓴蒿荻芽三物同煮未有死  
者

雨航雜錄 河豚獨眼者毒尤甚今海上人去其頭  
尾用橄欖甘蔗煮食之

物類相感志 河豚與荊芥同煮五七沸換水再煮則無毒

談苑 河豚肉先以水洗淨再換水浸之暴於日中以重物壓其上須過四日乃去所壓之物傳之以鹽再暴日中然後可烹食如不及四日則肉猶活也  
輟耕錄 中河豚毒但用槐花微炒與乾臙脂等分同搗粉水調灌之大妙

五雜俎 河豚子用臙脂染不紅者有毒紅者無毒  
物理小識 河豚愛五色縷人因以取之

鰮魚

正字通 魴魚似河豚而小背青色有斑文無鱗尾  
不歧腹白有刺。旭按卽斑魚也南越志名織杼魚  
其狀似河豚目亦能開闔性亦善噉惟背色異耳其  
肉有毒本草言其猛於河豚又或說河豚至三月後  
則化此魚色炎黑

### 毬魚

譯史紀餘 毬魚狀如鞠毬有紋如絲味甚美。旭  
按或說此魚似河豚而絕大無尾背有五色文

### 綬魚

雨航雜錄 綬魚一名華臍其腹有帶如帔子生附

其上如蝌蚪大者如盤無鱗冬初始出俗重之春則味降

### 鮎魚

本草綱目 鮎魚卽鯪魚也一名鯪魚一名鱣魚偃額大頭大口大腹鯪身鱧尾有鬚有齒有胃生流水者色青白生止水者色青黃大者三四十斤肉無毒陶宏景曰作臠補人

蕲鄉贅筆 上海民飲牛春申浦忽見浦中兩鬣高三四丈乘潮而至嚙牛足入水眾力救牛得無恙訪之漁人曰巨鮎也

鼠鮎

譯史紀餘 鼠鮎善食鼠揭尾於沙鼠舐其尾卽回首嚙之

鮠魚

楊慎外集 鮠魚一名水底羊

正字通 鮠魚秦人呼癩魚。旭按鮠俗作鮠卽鮠魚也大者重數千斤其狀似鮎魚尖喙色青白其肉無毒然合野豬野雞肉食令人生癩見本草

鮠魚

本草綱目 鮠魚聲如兒啼故一名人魚一名孩兒

魚生江湖中形色頗類鮎魚但腹下有翅似足其肉療蠱疾。旭按卽鮫魚也

廣輿記 孩兒魚產河南磁州

### 魮魚

本草綱目 魮魚卽山海經之人魚也蜀人名魮魚秦人名魮魚四足能上樹俗所謂鮎魚上竿卽此其肉有毒食之已疫疾陳藏器言卽魮魚又言一名王魮並誤。旭按魮魚膏燃之不滅秦始皇驪山塚中所用人膏卽此或曰卽鯨之雌者誤又正字通云魮魚乃福州銅盤魚疑另是一物

爾雅註 鮠魚似鮎魚四腳前似獼猴後似狗聲如  
小兒啼長者八九尺別名鰕

太平御覽 鮠魚能含水仰天不動俟小鳥來就飲  
乃食之

酉陽雜俎 食鮠魚當先縛於樹鞭之俟有白汗出  
方可食不爾有毒

黃鰕魚

本草綱目 黃鰕魚一名黃鰕魚一名黃鰕魚一名  
鰕魚又名黃鰕狀似鮎魚而小腹下黃背上青黃色  
鰕下有橫骨兩鬚好羣游其聲軋軋然其性最難死

其肉有微毒陶宏景曰能醒酒。旭按卽黃刺魚也。又名黃脊魚又名黃牙魚或說能變黃鶯又嶺表錄異載一種黃臘魚煎燂乾之夜視有光亦此類。埤雅黃鱔魚善飛躍故又名揚又名黃揚舊說其膽春夏近上秋冬近下。

續博物志 食黃鰓魚後飲荊芥湯卽死

### 帶魚

本草從新 帶魚補五臟去風殺蟲作鯊尤良。旭按此魚身扁大者長五六尺濶二三寸狀頗類帶修尾利齒或說在水中恒數百銜尾而行中推一巨者



爲首今漁人釣取之

鳶魚

臨海異物志 鳶魚似鳶而無尾與足雨則高飛數丈○旭按或說卽燕魚

戴星魚

臨海水土記 戴星魚似鳶魚而背有兩白瑤如指

大

戴帽魚

譯史紀餘 戴帽魚出安南銳首無鱗骨如插箭

浮胡魚

八紘譯史 真臘產浮胡魚八足嘴如鸚鵡。旭按  
鳥獸考載龍門江多鸚鵡魚色青綠嘴曲而紅如鸚  
鵡能化龍疑卽此

### 烏鰂

古今注 烏鰂一名河伯度事小吏。旭按烏鰂狀  
如草蓑無鱗色黑一名黑魚兩鬚長似帶遇風波卽  
以鬚下石如纜又名纜魚其口在腹下八足聚生口  
旁遇大魚至則吐墨水以自衛俟魚過仍收其墨故  
又名墨魚其背上祇一骨色白而輕脆如通草入藥  
名海螵蛸或說秦始皇棄算袋於水後化此魚故又

名算袋魚又說此魚喜食烏能誘烏入水又名烏賊魚其肉鮮美俗謂之明脯魚

本草綱目 烏賊魚出東海過小滿則形小

爾雅翼 九月寒烏化烏鰂

柔魚

正字通 柔魚似烏賊魚而無骨越人重之

章舉

蟬史 章舉卽章魚也一名章拒又名章鋸以其足似鋸也其形類烏鰂

格致鏡原 章拒大者名石拒居石穴人取之能以

腳黏石拒人

本草綱目 章魚卽臨海志之鴈魚也其狀似烏賊魚而大八足身上有肉閩粵人採鮮者薑醋食之云味如水母

鎖管

興化府志 鎖管大如指其身圓直如鎖管其首有薄骨插入管中如鎖鬚亦有墨其味甘脆或謂之淨瓶魚

海朮

太平廣記 南海有魚左腳長右腳短口在脅旁背

上常以左腳捉物納於右腳右腳中有齒嚼之納於口內大者三尺其聲訖訖彼人名海尤

水母

庶物異名疏 水母一名海舌

北戶錄 水母一名蛇一名石鏡南人食之其性熱療河魚疾。旭按此卽博物志之鮓魚也又名樗蒲魚又名海蛆又名海蜇又名江蜇今人貨於市生熟皆可食頭曰海蜇頭皮曰海蜇皮

嶺表錄異 水母其形乃渾然一物有淡紫色白色者大者如覆帽小者如碗下有物如懸絮俗謂之足

而無口眼常有蝦寄腹下啞食其涎遇捕者卽歛然而沒以蝦有所見也

### 風魚

坤輿外紀 西海有風魚彼人暴乾挂於房內視其首之所向卽知風起之方

### 鯨魚

北山經 彭水多鯨魚狀似雞而赤毛三尾六足四目其音如鵲食之已憂。旭按北山經又云鄒水多鰐鰕之魚其狀似鵲而十翼其鱗在羽端畜之禦火又云譙水多何羅之魚一首十身食之已癰又東山

經云跂踵之水多鮎鮎之魚鯉身鳥尾六足又西山  
經云濫水多鰲鰲之魚其狀如覆鉢而鳥首魚翼魚  
尾其音如磬石又云浣水多冉遺之魚其狀魚身而  
蛇首六足其目如馬耳又酉陽雜俎云李德裕於明  
州見一魚雞嘴魚身又事物紺珠云朝鮮有八梢魚  
一首八身此皆怪類並附誌焉

## 鰮魚

本草綱目 鰮魚或名黑鰮或名烏鰮或名元鰮或  
名蠡魚又名文魚俗名火柴頭魚小者名鯛魚其形  
長而體圓頭尾相等細鱗黑色有斑點花文頗類蜃

蛇有舌有齒有肚背腹有鬣連尾尾不歧形狀可憎  
其肉發瘡疥孟詵曰作鱠與風氣脚氣人食之良  
正字通 鱧魚今烏魚舊註云鮓也誤又鱧鱣義同  
說文分訓亦誤

埤雅 鱧魚公螭蛇所化故難死

六書故 鱧魚頭左右各有竅如七星

爾雅翼 鱧魚夜則仰首以拱北斗故道家忌食

## 鰕魚

山堂肆考 鰕魚俗呼黃鱔。旭按鱔又通作鰕

爾雅翼 鰕魚似蛇無鱗體有涎沫夏月於淺水中



作穴。旭按鱣魚搗碎伴冰片貼頭風痛甚效

洗冤錄 鱣魚置水囊中有昂頭出水二三寸者食

之殺人。旭按此卽蛇所化之鱣魚也夜以火燭之則頭昂起其項下有白點一種通體黑色者及長至二三尺者亦有毒

本草綱目 鱣魚發瘡疥多食令人霍亂且損壽

滑魚

北山經 滑水多滑魚其狀似鱣而赤背其音如梧。旭按或說此卽鱣魚之有赤文者然不常有

鱣

爾雅正義 鰮鰮也俗名泥鰮長三四寸

續廣雅 委蛇尋蜉鰮也鰮小鰮也

正字通 鰮似鰮首銳色黃黑長五六寸穴泥中與他魚牝牡

物類相感志 燈心煮鰮味佳

海鰮

赤城志 海鰮長千丈皮黑如牛能噴水空中成烟

霧

水經注 海鰮穴居海底入穴則海水爲潮出穴則

潮退

闌胡

雨航雜錄 闌胡似小鱗而短大者如人指長三五寸頭有斑點如星每潮退數千百跳擲泥塗中土人施小鈎取之一名彈塗以盂覆活者數百於地旦發視之皆駢首拱北焉

龍頭魚

事物紺珠 龍頭魚頭似龍身似鱗小而肉嫩

鰻

正字通 鰻似鱣無鱗有肉鬣連尾腹白而大背青黑色有雄無雌以影漫鱧生子子附鱧鬣而生故又

謂之鰻鱧魚又名蛇魚乾者名風鰻

本草綱目 鰻鱧魚又名白鰻處處有之其肉有毒

妊婦宜忌其腹有黑斑者背有白點者水行昂頭者  
重至四五斤者及四目者無腮者並能殺人尤不宜  
食又一種背有黃脉者名金線鰻鱧又歙州溪中有  
一種背有五色文者其頭似蝮蛇能去風殺蟲

埤雅 鮎魚子三分之二爲鮎魚其一鰻也

稽神錄 有人病瘵相染已死數人乃取病者置棺  
中投於江流至金山漁人引起開視乃一女子猶活  
遂取以歸每食以鰻下之已而漸瘳因爲漁人之妻

本草備考 鱧骨燒烟辟蚊令化爲水薰竹木辟蛀蟲置衣箱辟蠹蟲

石鰻

通雅 桂林有石鰻出洞穴性涼

蘆鰻

嶺南雜記 海邊有蘆鰻好食蘆笋大者重一二十斤其狀似鰻而身短背黑類烏鰮味極美。旭按此卽海鰻也本草名慈鰻體又名狗魚涎能殺蟲

土蟯

物類相感志 土蟯多生山石井坎間狀頗類鰻黃

灰色有兩耳聳立於腦後能偷水雖高山絕頂亦能引之江東人呼馬土螭或云凡發洩洪水皆其興妖天將雨或時見吐雲氣又名雉龍

鮑魚

本草拾遺 鮑魚似馬鞭尾有兩歧如鞭鞘

鰕魚

事物原始 鰕魚色白體圓口濶長尺許骨肉俱爽若無鹽制之則化成水但留骨而已

鰕魚

臨海異物志 鰕魚細如指長七八寸但有脊骨作

羹味美

網鑑通俗

鱖魚暴乾作燭極光明

來魚

雨航雜錄 石勃卒形短圓三寸長四寸身赤腹泡  
急其形勃卒故名石勃卒一名來魚或曰石屑入水  
所化

跳魚

嶺南雜記 海豐有跳魚長二三寸形似土魮而細  
頂高而方眼生頂上背有細綠點故又名花魚能跳  
炙食味美。旭按卽花浪魚也

關魚

彙苑詳註 關魚大如指長二三寸身有花文紅綠  
相間善鬪俗呼花魚。旭按卽丁斑魚也閩人呼錢  
月魚

油魚

雲龍州志 油魚穴在州南二十里秋則魚肥長二  
三寸十月望後則絕

鮓魚

正字通 鮓魚似鰕無足。旭按此疑卽虞衡志所  
謂灘水之鰕魚也肉白而豐味尤美



石魚

筠廊偶筆 永平有石魚甚肥美長者盈寸其魚出石中當破石取之

銀魚

格致鏡原 銀魚又名麴條魚

廣輿記 銀魚出直隸順天及浙江紹興福建漳州  
養魚經 銀魚出太湖長者三寸

山堂肆考 銀魚身圓如箸潔白無鱗目有兩點黑  
鰓殘魚

高僧傳 寶誌對梁武帝食鰓帝曰朕不知味二十

鱖魚

餘年師何必爾誌乃吐出小魚鱗尾依然卽今金陵  
鱖殘魚是也。旭按或說此魚乃吳王渡江時棄魚  
鱖于江中所化故又名吳王餘鱖魚二說未知孰是  
正字通 鱖魚似鱖殘但喙尖有一細黑骨如刺俗  
呼鍼嘴魚

本草綱目 鱖魚臨海志名銅吮魚俗名姜公魚言  
姜太公釣鍼所化其肉無毒食之已疫疾。旭按卽  
針口魚也其體方而色灰白白頭至尾每邊有白路  
一條如銀色大者長二三寸又吾鄉嚴先生釣臺下

有一種子陵魚長四五分每歲二三月逆流而上漁人取未開眼者暴乾貨於市蒸食極佳或說乃子陵釣鈎所化故頭有朱點疑此與太公釣鉞所化之說皆係附會不足信也

### 麥魚

筠廊偶筆 桐城產麥魚形與麥粒無異可糟食

### 鵝毛魚

東海集 鵝毛魚不用網但二人乘一艇張燈艇中魚見燈光則上艇須臾而盈多則滅燈不然艇不勝任矣。旭按此卽郭義恭所謂一斤千頭者是也

蟲薈卷五目錄

龜

山龜

火龜

鵞龜

鶚龜

旋龜

攝龜

瘡龜

靈龜

六目龜

三足龜

綠毛龜

鼈

鼈

鼈

玳瑁

係臂

吉弔

鼈

旱鼈

納鼈

赤鼈

珠鼈

能

在子

鮮魚

龜

鰲

蟹

石蟹

紅蟹

白蟹

飛蟹

關公蟹

百足蟹

寄居蟹

蟹奴

撥棹子

擁劍

蜚蜚

蛄朴

沙狗

望潮

倚望

石蠅

虾江

蘆虎

蜚蜚

蝨

數丸

千人控

鰕

神鰕

海鰕

五色鰕

蚌

蠨

蜆

蜉

蜉

海蜉

蜉蜉

江珧

文蛤

魁蛤

沙蛤

蛤蜊

車螯

車渠

檐羅

石蜊

海鏡

海馬

刺姑

田螺

海螺

青螺

紅螺

泥螺

蓼螺

珠螺

鑽螺

蝸螺

蚶螺

研螺

梭尾螺

馬珂螺

鸚鵡螺

九孔螺

貝子

海總筐

空牙

土坏

蟲薈卷五

睦州方旭

介蟲

龜

古今注 龜一名元衣督郵

雲仙雜記 龜一名先知君

幼學句解 龜一名清江使者

庶物異名疏 元夫龜也

本草綱目 蘇頌曰龜頭方腳短壳圓版白者陽龜

也頭尖腳長壳長版黃者陰龜也。旭按此卽爾雅

所謂水龜澤龜也山龜火龜靈龜攝龜俱見下實龜

卽常龜之在一尺以上者文龜卽抱朴子所謂千歲之龜有五色文者是也神龜卽述異記所謂龜至五千年曰神龜是也筮龜卽龜策傳所謂上有蓍草下必有神龜守之是也又諸書說龜有如錢如拳者有白色金色者蓋此物壽最長數千年後則能變化其形色難一定也

問奇類林 龜有鼻而息以耳

支雅 龜爪前五後四

埤雅 龜與蛇爲匹

方書 鏡照雄龜卽淫發失溺滴耳可治聾



岫嶁神書 龜尿磨瓷器令軟磨墨書石能入數分  
譚子 龜以神交

清異錄 武宗呼龜曰靈壽子

抱朴子 山中已日稱時君者龜也知其名則不爲  
害

龜策傳 能得名龜者家必大富一曰北斗龜二曰  
南辰龜三曰五星龜四曰八風龜五曰二十八宿龜  
六曰日月龜七曰九州龜八曰玉龜凡八名龜各有  
文在腹下

金華子 龜直中文名曰千里其近首之橫文第一

級左右有斜理皆接於千里者此龜王之文也他龜則無

格物考 神屋敗將漏天機皆龜殼別名

山龜

爾雅 七曰山龜。旭按卽秦龜也不入水

火龜

爾雅 十曰火龜 疏龜之生火中者

鴛龜

太平廣記 初甯縣多鴛龜壳薄狹而燥頭似鴛不與常龜同能嚙犬

鶚龜

本草拾遺 鶚龜生南海長三尺餘兩目在側如鶚故名又名水龜以其在水中而狀與水龜無異也

旋龜

南山經 怪水多旋龜狀似龜而鳥首虺尾佩之不

鱗

攝龜

本草綱目 攝龜郭璞呼陵龜陶宏景呼鶩龜抱朴子呼鰓龜日華呼夾蛇龜楚人呼呬蛇龜韓保昇曰此龜腹小中心橫折能自開闔好食蛇。旭按此龜

似龜而稍狹背尤隆頭作金色今山中時有之

抱朴子 蝮龜尾可辟蛇若爲蛇咬刮末敷患處良

瘡龜

正字通 瘡龜生高山石下扁頭大嘴燒灰服治老

瘡

靈龜

爾雅註 涪陵郡產靈龜甲可以卜緣中文似玳瑁

今人呼螭螭龜又呼靈螭能鳴。旭按廣異記載唐

開元中亳州開河得靈龜兩頭長一尺二寸毛九寸

此又別一種靈龜也

嶺表錄異 螭螭龜俗謂之茲夷人以木楔其肉鳴  
吼如牛煮拍之如玳瑁可爲器

正字通 大曰螭螭小曰鼃鼃形似笠四足縷胡無  
爪指肉味似鼃可食甲黃點有光廣七八寸長二三  
尺臨海人以亂玳瑁可飾物但薄而色淺不任作器  
今人謂之鼃皮其卵似鴨子

### 六目龜

爾雅正義 宜興縣君山池中有六目龜。旭按此  
龜兩目餘四目乃金黃花紋與真目排比有似乎目  
故名

三足龜

中山經 大菩山多三足龜食之無大疾可以已腫  
○旭按爾雅云龜三足賁卽此又大明會典有六足  
龜又康熙二十七年外洋貢一龜長二尺八足又拾  
遺記云員嶠山有龜八足六眼背負日月五星八方  
之圖腹有五嶽四瀆之象時出石上望之如列星又  
洞冥記云元封三年鄭過國獻龜長一尺二寸能言  
帝往卜之無不中此又龜之尤異者也

綠毛龜

正字通 綠毛龜出蘄州大如五銖錢毛中有金線

脊骨三稜底甲色如象牙俗名綠衣使者置室中辟蛇虺

廣輿記 綠毛龜產湖廣大者重十錢小者重五錢能辟塵又產河南南陽府

鼈

元中記 鼈巨龜也以背負山周回千里

鼃

臨海水土記 鼃似鼃鼃而腹如羊胃可啖

正字通 鼃夜鳴旦止

鼃

臨海水土記 鼈鼈似鼈鼈而甲薄形大如鼈生海  
邊沙壤中肉極美多膏

玳瑁

廣輿記 玳瑁產安南百花淳泥瓜哇等處

粵西偶記 玳瑁粵西最多人飼以小魚惟甲子庚  
申兩日不食

本草綱目 玳瑁生海洋深處狀如龜壳稍長背有  
甲十二片黑白斑文雜以朱點其裙邊缺如鋸齒無  
足有四鬣前二長後二短皆有鱗海人養以鹽水飼  
以小魚其大者如蓮條背上鱗大如扇汪士良曰此



龜頭嘴一如鸚鵡

海槎錄 玳瑁大者難得小者時時有之但老則甲厚而色明小則甲薄而色暗取法當倒懸其身用滾醋潑之其甲自落

埤雅 玳瑁不再交望卵影抱謂之護卵

談薈 生取玳瑁甲帶左臂上遇食有毒甲自能動  
係臂

酉陽雜俎 海人捕係臂必先祭又先陳所取之數則自出因取之若不信必覆船○旭按卽鼉鼉也說詳龍下

吉弔

本草綱目 吉弔生嶺南蛇頭龜身其膏至輕利以  
銅及瓦器貯之皆透惟雞子壳貯之則不透  
菰林代山 龍生三卵一爲吉弔上岸與鹿交或在  
水邊遺精流槎遇之粘裹如蒲桃號紫稍花

鼈

本草綱目 鼈俗名團魚又名甲魚埤雅名神守古  
今注名河伯從事其性畏蚊蠆遇蚊叮則死然薰蚊仍  
用鼈甲蓋物之相報復也其肉無毒然忌與薄荷同  
食陳藏器曰凡鼈有三足者赤足者獨目者頭足不

縮者兩目下陷者腹有王字卜字文及蛇文者並殺人陶宏景曰鼈不可合雞子莧菜食孫思邈曰鼈合豬兔鴨肉食損人合芥子食生惡瘡孕婦食之令子短項

酉陽雜俎 鼈爲臠數食之可長鬚

內則 鼈去醜 註醜竅也或曰頸下軟骨也能殺人

多能集 煮鼈破膽入湯中辟腥氣

埤雅 鼈之所在其上必有沫水謂之鼈津捕者以此得之

支雅 馬溺消鼈

天香樓偶得 種鼈之法先掘土作大坎宰母豬一腔置其中將鼈子千百枚投入豬肉至豬肉敗其子卽成鼈

灤陽消夏錄 有庖人得巨鼈甫斷其首一小人長四五寸衣冠悉具自頸突出繞鼈而走庖人大駭仆地小人忽失所在及剖鼈仍在腹中已死矣有識者曰此名鼈寶得之剖臂納肉中則啖人血以生人臂有此寶凡地中金銀珠玉隔土可見及血盡人死子孫又剖臂納之可以世世富

旱鼈

正字通 旱鼈生山中殺人

納鼈

正字通 納鼈無裙頭足不縮

本草綱目 誤食納鼈令人昏悶以黃耆吳鹽湯解之

赤鼈

朝野僉載 嶺南有赤鼈大如匙紅色遇牛馬入水能曳之深潭吸其血。旭按淮南子云朱鼈浮波必有大雨卽此或說丈夫佩之刀劍不能傷女子佩之

有媚色

珠鼈

一統志 珠鼈生高州海中狀如肺四目六足而吐珠○旭按埤雅云鼈珠在足蓋指此

能

爾雅 鼈三足能○旭按洗冤錄載太倉州民得三足鼈食之少頃忽失所在地上止存髮一縷衣衫履襪事事皆全如形蛻者鄰人疑其婦謀害訟之官不決乃別取三足鼈與死囚食之亦化如前此卽能也今宜興縣君山池中有之

在子

酉陽雜俎

在子鱉身人首炙之以藿則鳴曰在子

鮮魚

西山經

禺水多鮮魚狀如鼈而魚尾音如羊

鼃

古今注

鼃一名河伯使者

山堂肆考

鼃頭有疣搭故名癩頭鼃

爾雅翼

鼃狀似鼈而大其卵如鴨子一產二百枚

錄異記

鼃身具十二肖肉其性最難死雖支分縶

解但未投湯鑊皆能跳走

格物論 黿肉五色白者居多其卵可淹食然白不凝

正字通 黿脂磨鐵易明

淮南子 燒黿脂以致鼈

續博物志 黿脂得火可以燃鐵

潛確類書 黿隨月浮水月沉則沒

搜神記 黿千歲能人語

談薈 黿肉懸桁間若無人則下垂至地聞人聲則縮

黿



本草綱目 鱟狀如惠文冠及熨斗廣尺餘其甲瑩  
滑青黑色鍤背骨眼眼在背上口在腹下頭如蜣蜋  
十二足似蟹在腹兩旁長五六尺尾長一二尺有三  
稜如稜莖背上有骨如角高七八寸如石珊瑚狀每  
過海乘風而游俗呼鱟帆亦曰鱟簾其血碧色腹有  
子如黍可爲醬尾有珠如粟其行雌常負雄失其雌  
則雄卽不動漁人取之必得雙其身雄小雌大置水  
中雄浮雌沉故閩人婚禮用之其藏伏沙上亦能飛  
躍其壳甚堅可爲冠亦可屈爲杓入香中能發香氣  
尾可爲小如意脂燒之可集鼠其性畏蚊螫之卽死

又畏隙光射之亦死而日中暴之往往無恙今南人以其肉作鮓醬小者曰鬼蟹不可食

嶺南雜記 蟹帶血食味更佳

蟹

本草綱目 蟹俗名螃蟹一名郭索又名橫行介士又名無腸公子其性躁引聲噉沫至死乃已生於流水者色黃而腥生於止水者色紺而馨今人於霜後取之味甚美然食後最忌荊芥蘇頌曰此物有六足者名蠃有四足者名牝皆能殺人不可食陶宏景曰此物霜前有毒不可食一種獨螯者獨目者兩目相

向者腹下有毛者腹中有骨者背有星點者足斑且赤者並有毒殺人誤食急取冬瓜汁或紫蘇汁或大蒜汁解之寇宗奭曰此物風疾人最忌○旭按蟹味鮮美甲於水族今九十月處處有之其生海邊者曰蟪蚌尤大兩螯利於刀斷物如芟刈所謂八月能與虎鬪者是也又名蠟瀕海人名黃甲蘇頌本草以爲卽撥掉子而轉分蠟與蟪蚌爲二誤又段成式雜俎云蟪蚌隨潮退壳一退一長

廣雅 蟹雄曰鯁鯁雌曰博帶

埤雅 蟹八跪兩螯堅壳臍團者牝尖者牡

淮南萬畢術 蟹置漆中則敗壞不燥

隨園食單 蟹有本味但以淡鹽湯煮食最佳

蟹譜 蟹腹有風蟲狀似木鼈子而小色白大發風氣食者宜去之

事林廣記 蟹與灰酒同食令人吐血

本草備要 中蟹毒以藕節搗汁酒服良

婦科綱目 妊婦食蟹令子橫生

酉陽雜俎 蟹八月腹中有稻芒長寸許向東輪於海神如未輪不可食

王漁洋精華錄註 郭索蟹行狀非蟹別名也

石蟹

本草綱目 石蟹生溪澗石穴中小而壳堅赤色。旭按名物通載崖州榆林港內半里許土極細屬所性極寒蟹入其中卽不能動片時成石相傳置几案上能明目名曰石蟹此又名同而物異也

紅蟹

墨客揮犀 莆陽有紅蟹大如錢紅色過早蟹出必雨。旭按或說又有一種大如碗者色殷紅可愛

白蟹

談薈 建陽山谷中有白蟹過早鄉人以盤貯之迎

歸卽雨

飛蟹

譯史紀餘 海中有飛蟹能飛。旭按廣異記載海中有蟹螯大如山與此乃蟹之尤異者也

關公蟹

閩小記 閩中虎蟬蟹之別派其質粗而味劣無可取惟壳類人家戶上所繪虎頭色亦殷紅比人饌爲酒器呼關公蟹通州如皋亦有之

百足蟹

洞冥記 善苑國有蟹長九尺百足四螯名曰百足

蟹煮壳爲膠曰蟹膠

寄居蟹

本草綱目 寄居蟹一名蠟奴居蚌腹中不可食。  
旭按駢雅云璵蛄之腹有小蟹卽指此

蟹奴

樹萱錄 海上有蟹大如錢腹下又有小蟹名曰蟹  
奴

撥棹子

蟹圖記 撥棹子螯足無毛後多兩小足濶而薄其  
大者如升。旭按此蟹與常蟹相似但絕大而後多

兩扁足如舟中之櫓今江邊時有之味不及常蟹又  
呂亢蟹圖記蟹有十二種一蟾蜍見上二卽此三擁  
劍四蟛蜞五蛄朴六沙狗七望潮八倚望九石蜊十  
蝦江十一蘆虎十二蟛蜞俱詳於下

擁劍

埤雅 擁劍又名桀步一螯極小常以大者鬬小者  
食

古今注 擁劍又名執火謂其螯赤也又名越王劍  
文選註 擁劍出南海交趾

蟹圖記 擁劍色黃其一螯偏長三寸餘有光



蜚蜊

爾雅疏 蜚蜊一名蟬小者名蜚

古今注 蜚蜊生海邊泥土中一名長卿

蟹圖記 蜚蜊以鹽藏而貨於市吳人呼蜚蜊。旭  
按此蟹似常蟹而絕小螯足無毛江淮人多以鹽藏  
食之

蛄朴

蟹圖記 蛄朴壳黑色斑有文章螯正赤常以大螯  
障目小螯取食

沙狗

本草綱目 沙狗似蜚蜚生沙穴中見人便走不可食

望潮

本草綱目 望潮似蜚蜚生海中每潮至舉螯而望肉可食。旭按卽招潮子也壳白人亦呼白蟹可醉食

倚望

事物紺珠 倚望大於蜚蜚居常東西顧晚惟入穴乃止

石蜚

事物紺珠 石蜎大如常蟹入足壳赤狀若鷄卵

𧄸江

正字通 𧄸江似蟹而小十二足不可食○旭按𧄸江或作蜂江駢雅訓纂云當作不江

蘆虎

談薈 蘆虎似蟹赤色不可食○旭按此蟹生蘆叢中

蟛蜞

本草綱目 蟛蜞大於蟛蜎生陂池田港中有毒食之吐下○旭按蟛蜞有毛蟛蜎無毛

蟻

正字通 蟻似蜚蝥而小壳薄肉可食。旭按此物多生磚縫中大者如錢

數丸

酉陽雜俎 數丸似蜚蜚常取土作丸丸數滿三百則潮至又名沙丸

千人掙

菽林伐山 一種似蟹而大如錢壳甚固雖壯夫掙之不死者各千人掙

鰕

事物紺珠 鰕名長鬚公又名虎頭公

本草綱目 鰕出江湖者大而色白出溪池者小而色青並磔鬚鉞鼻背有斷節尾有硬鱗多足好躍腸屬於腦子在腹外肉有小毒孟詵曰生水田及溝渠者尤毒不可食陶宏景曰一種無鬚及腹下黑與煮之不紅者亦不可食。旭按蘆葦亦能變鰕名蘆鰕其色青一種灰色者名泥鰕又名苗鰕多在泥田中或說稻花變成又有梅鰕乃梅雨時所出者又有米鰕乃鰕之至小者曝乾曰鰕米並可食

神鰕

鳥獸續考 神蝦天聖元年魚人得之海中長三尺  
兩鉗二寸許末有紅鬚尺餘首如數升器雙目十二  
足背文如虎豹五彩全具晏元獻公賦其事

### 海鰕

正字通 海鰕似龍土人空其中置燈望之如龍然  
故又名龍鰕。旭按卽紅鰕也爾雅名鰕或說大者  
長一二丈至十數丈小者亦不下二三尺其頭可作  
盃鬚可作杖

嶺南雜記 龍鰕頭有二角與龍無異而肉味不佳  
產廣之海豐

閩小記 龍鰕肉如蟹螯甚鮮美

五色鰕

正字通 閩中有五色鰕長尺餘彼人兩兩乾之呼對鰕

蚌

爾雅 蚌含漿 註卽蜃也。旭按蚌一名含漿或名蜃月令云雀入大水爲蜃卽此與上龍屬之蜃異其類無牝牡其腹皆有珠書所謂蠙珠是也

本草綱目 蚌大者長七八寸狀如牡蠣輩小者長二三寸狀如石決明輩肉可食壳可爲粉湖汙人印

成錠市之名蚌粉又名蛤粉古名蜃灰以飾牆壁闔墓壙如今之用石灰

桂海虞衡志 珠出合浦海中有珠池蟹戶投水採蚌取之歲有豐耗多得謂之珠熟相傳海底有處所如城郭大蚌居其中有怪物守之不可近其細碎蔓延於外者始得而採

蠔

嶺表錄異 蠔卽牡蠣也初生海島邊如拳石四面漸長有高三丈者巉巖如山每一房內蠔肉一片隨其所生前後大小不等潮來諸 皆開房伺蟲螳入



卽吞之其肉有滋味然多食壅腸胃。旭按此卽本經之蠣蛤別錄之牡蛤異物志之古賁也石藥爾雅名石雲慈壳亦可粉壁

雨航雜錄 牡蠣肉除熱補傷澀精益血

蜺

隋書劉臻傳 劉臻好啖蜺以父諱顯音同蜺因呼蜺爲扁螺。旭按蜺卽蘆雉也其狀似蚌而狹大者寸餘壳黑色又有黃白色者其肉甚腥

蛭

本草綱目 蛭海中小蚌也形與馬刀相似閩粵人

以田種之謂之𧈧田呼其肉爲𧈧腸孟詵曰天行病後不可食○旭按𧈧生海邊泥中漁者俟潮退後見泥中有小孔卽𧈧所在以竹針納孔中拔取之去壳曝乾貨於市卽今之𧈧乾是也

𧈧

爾雅疏 𧈧一名𧈧蚌屬也○旭按𧈧狀似蚌而狹大者長三四寸濶五六分其壳薄而肉鮮本草謂之馬刀李時珍云卽別錄之馬蛤吳普本草之齊蛤也江漢人名單毋汴人名煇岸正字通云又名𧈧𧈧又名竹𧈧又名𧈧子

海蛙

正字通 海蛙卽淡菜浙人呼壳菜生東南海中其狀似珠母一頭小中銜少毛其味甘美又名東海夫人。旭按珠母卽蚌也其壳與蚌相似而一頭大一頭小形類瓜子或說有兩種一種大者曰洪淡味最佳一種小者曰子淡味稍遜而補益過之其色白亦有紅色者又浙東有海瓜子似海蛙而絕小亦此類

蠃

本草綱目 蠃一名蠃蛤一名生蠃寇宗奭曰似馬刀人以作鮓食。旭按此物與蜆蚌相似而壳

有毛

江珧

正字通 江珧似蚌壳中肉柱長寸許俗謂之江珧柱

本草綱目 海月江珧也一名玉珧又名馬頰或作馬甲廣州人名角帶子

閩小記 江珧柱出興化之涵江形如三四寸扁牛角雙甲薄而脆肉不堪食美只雙柱

老學庵筆記 江珧有二種大者爲江珧小者爲沙珧沙珧可種逾年則變江珧

事物紺珠 江珧柱一名楊妃舌

文蛤

夢溪筆談 文蛤卽花蛤也其形一頭大一頭小壳有紫斑

魁蛤

本草綱目 魁蛤一名蚶一名魁陸一名瓦屋子一名瓦壘子南人名空慈子廣人重其肉名天嚮又呼蜜丁說文云老伏翼所化故又名伏老蕭炳曰食訖當以飯壓之否則令人口燥。旭按卽蚶子也狀似蛤而壳有文理如瓦壘肉極佳俗說能補心血浙東

人多以近海田種之謂之蚶田又臨海異物志云蚶之大者徑四寸蓋卽江賦所謂洪蚶也

五雜俎 蚶大者如斗可爲香爐

### 沙蛤

雨航雜錄 西施舌一名沙蛤其狀似車螯而壳白肉中突出長可二寸如人舌乃海燕所化也其性熱○旭按此物產温州海邊沙中故名沙蛤又名車蛤其舌端有肉數条如鬚然或說是其飲處其肉鮮美甲水族

### 蛤蜊

正字通 蛤蜊生東南海中白壳紫唇長二三寸肉可食能醒酒

酉陽雜俎 蛤蜊候風雨能以壳飛

車螯

正字通 車螯海蛤也其壳紫色有斑點肉可食俗呼昌娥。旭按此海中小蛤也狀與文蛤相似一種角不正者曰移角壳薄者曰姑勞小者曰羊蹄並可食見臨海水土記又陳藏器以車螯爲蜃云能吐氣成樓臺不知蜃乃蛤之總名並非專指一物至吐氣成樓臺之說乃蛟屬之蜃非蛤類也

車渠

本草綱目 車渠一名海扇梵書名牟婆各揭拉婆  
蛤類也三月三日潮盡乃出大者長二三尺濶尺許  
厚二三寸壳外溝壟如蚌而深大皆縱文無橫文壳  
內白如玉番人以飾器謬言是玉石之類或曰玉中  
亦有車渠與此物壳相似

丹鉛錄 車渠壳作盃注酒滿過一分不溢

檐羅

本草拾遺 檐羅蛤類也產新羅國彼人食之

石蚶



臨海水土記 石蜆一名石鮓

閩小記 石蜆產閩中味甚劣江文通賦言其有花乃好奇語也。旭按此卽龜腳蜆也其狀如龜腳長寸許上有五爪故又名仙人掌又名佛手蜆其壳如蟹螯而色紫故又名紫蜆又名紫蔕亦蛤類或說大者長七八寸

### 海鏡

本草綱目 海鏡一名鏡魚一名璣蜆一名膏藥盤南海有之兩片相合成形壳圓如鏡中甚瑩滑映日光如雲母內有少肉如蚌胎中有寄居蟲大如豆狀

如蟹海鏡飢則出食入則海鏡亦飽。旭按璣蛞蝓肉可爲醬說文所謂蛞蝓是也其腹中之蟲卽寄居蟹見上蟹屬又一種寄居龜壳中者名蟬狀似蝦食之益人顏色寄居螺壳中者名蟬狀似蜘蛛

本草從新 海月卽海鏡也又曰蟬鏡又曰明瓦可取以蓋天窗而李珍以爲是江珧柱誤

海馬

正字通 海馬一名水馬

釋史紀餘 海馬馬頭蝦身背如竹節雌者黃雄者青長數寸難產者握之卽易生

刺姑

絕域紀畧 關外水中多刺姑身如蝦兩螯如蟹彼人搗成膏以供宗廟之用

田螺

山堂肆考 田螺形圓底銳大者如梨橘其性寒秋後則有水蛭入屨中須去之方可食

正字通 田螺生水田中壳有旋文其肉視月盈虧○旭按吾鄉府治北有一種螺無尾相傳昔有僧喜食螺方去尾欲治食見者譏之遂撥入池中已而盡活至今相生皆無尾焉又嘉興府治西南有西子粧

臺下產異螺每陰雨則舒五采

海螺

本草綱目 海螺圖經謂之流螺交州記謂之假豬螺大者如斗蘇頌曰生南海今嶺外閩中近海州郡及明州台州亦有之大如拳青黃色長四五寸其肉味最厚可食其厝名甲香合眾香燒之益香獨燒則臭。旭按卽香螺也

青螺

桂海虞衡志 青螺似田螺而大其壳揩去粗皮色如翡翠可爲酒器

紅螺

嶺表錄異

紅螺似鸚鵡螺壳薄而紅可爲酒器剗

小螺爲足尤可佳尙

泥螺

本草綱目 甯波出泥螺狀如蠶豆。旭按卽吐鐵也其銜沙黑似鐵故名至桃花時鐵吐盡乃可食今漁人於潮退後取之

蓼螺

本草拾遺 蓼螺生永嘉海中味辛辣如蓼。旭按此疑卽蟹譜所謂能化蜆蛸之辣螺也

韻會 蓼螺壳紫色有錦文

珠螺

圖經本草 珠螺瑩潔如珠

鑽螺

華夷鳥獸考 壳尖長者曰鑽螺。旭按此螺甚細大者寸許如鑽然故名肉可食

蝸螺

本草綱目 蝸螺卽螺螄也爛壳名鬼眼睛處處有之大如指頭而壳厚於田螺春月可食清明後其中有蟲陳藏器曰此物泥入壁中數年尙活。旭按卽

鬼螺也

蚶螺

爾雅疏 蚶螺一名蜺蚶卽蝸牛也

南華經音義 蝸牛小牛螺也俗名黃犢。旭按此螺處處有之名不一曰蠡牛曰蜺蚶曰僕纍曰土牛  
兕曰蜺蚶螺其狀與蝸螺相似而行則露頭壳外出  
兩角其性好升高往往涎盡枯死其肉亦可食

研螺

本草綱目 蚶螺卽紫貝一名文貝蘇頌曰今畫家用以研物故名蘇恭曰其形似貝子而大

草木蟲魚疏 紫貝質白如玉紫點爲文皆行列相當大者徑一尺七八寸交趾九真以爲盃盤。旭按郭氏爾雅註言紫貝以紫爲質黑爲文

梭尾螺

圖經本草 梭尾螺形以梭卽今釋子所吹者

馬珂螺

正字通 馬珂螺一名玳或說老鵬入海所化其形似貝子皮黃黑而骨白堪以爲飾大者圍八九寸長四五寸本草名珂

鸚鵡螺



酉陽雜俎

鸚鵡螺頭似鸚鵡見者凶

嶺表錄異

鸚鵡螺旋尖處屈而味如鸚鵡嘴壳上

有青綠斑大者可受二升壳內光如雲母裝爲酒器  
奇而可玩

異苑

鸚鵡螺朝出壳則有蟲如蜘蛛入其壳中夕

還則蟲出

九孔螺

本草綱目

石決明卽九孔螺也其壳名千里光祇

一面狀如小蚌外皮甚粗細孔雜雜內則光耀背側  
一行有九孔如穿成生石崖上海人乘其不意取之

否則繫粘難脫其功用與鰓魚相似。旭按鰓魚似石決明而大壳亦有孔但無定數今人去壳曝乾貨於市肉味頗佳或說卽石決明非也

貝子

本草綱目 貝子小白貝也大如拇指頂長寸許背腹皆白色故一名白貝其背隆如龜腹下兩開相向多齒故又名貝齒又名海肥其中肉如蛎蛸其類不一爾雅云在陸曰賸在水曰蜃大曰魴小曰魴玄色曰貽貝黃質而白文曰餘貽白質而黃文曰餘泉博而兩頭銳曰蚘大而兩頭薄曰蜎小而狹曰蟻又相

貝經云貝狀如赤電黑雲者曰紫貝能愈疾素質紅  
章者曰珠貝能明目青池綠文者曰綬貝能消氣障  
黑文黃畫者曰霞貝能服蛆蟲其下則鷹喙蟬脊但  
能逐濕去水並無奇功又有浮貝使人寡慾黑白各  
半者是也濯貝使人善驚黃唇齒有赤駁者是也慧  
貝使人病瘧黑鼻無皮者是也疇貝使婦人胎消赤  
帶通脊者是也惠貝使人善忘壳內有赤絡者是也  
營貝使童子愚女人淫青唇赤鼻者是也碧貝使人  
盜脊上有縷勾唇雨重齷齪者是也委貝能伏鬼魅  
百獸赤而中圓兩輕齷齪重者是也

海總筐

山堂肆考 海總筐石決明類也但石決明亮堅此物壳脆其背如蟾蜍蒼黑色中有肉兩頭軟出其肉兩頭穿小兒取以爲戲其形圓而扁如總筐故名空牙

興化府志 空牙俗呼空大又呼泥星其壳極薄其肉極輕虛如水沫

土坏

泉南雜誌 晉江有介屬名土坏綠壳白尾旁有毛